

論

語

稽

論語稽叙言

尼山精誼因時制宜誠說妙通徒執跡象不爲詮釋大義譬如譬
皎日未昇燭火不熄宦子伯銘憂之於是有論語稽之作而詰爾
誨之復說明不背共和之意旨嘻其知言哉夫堯舜揖讓揖讓者
共和之鼻祖也尼山則祖述之湯武征伐征伐者革命之導師也
尼山則憲章之所謂無可無不可者皆因乎時以制宜也至於尊
周王魯義秉春秋公山佛胖之召則以爲東周可爲茲體甚大特
當專制之世說者未之發明耳鄒嶧之賢自稱願學而民重君輕
之語居然被之七篇此其尤大彰明較著者誨之楹書能讀古人
與稽乃取茲篇表章而著明之可謂先得我心者矣余維共和之

名昉於東周行於歐美然東周有其名而未盡其實歐美行以漸而未行以驟今者五族共和千載一時其驟進軼於歐美其實效邁於東周卽尼山所謂時之一字有以陶亞甄歐開來繼往如今日也惟望稽古儒生識時俊傑以尼山之真血脉鑄造共和之真精神而勿爲反唇相譏數典忘祖也誨之其有意乎書以貽之
中華民國臨時副總統領湖北都督事黎元洪叙

論語稽序

昔孔子丁衰周之世抱道而無所遇迺退而序易象刪詩書正禮樂因魯史以作春秋於是十翼以張四始以列七觀以標五經以正五音以諧五例以明天道決而人事備蓋昭昭乎若日月之明離離乎如星辰之行也孔子既歿七十子之門人懼微言終絕復纂錄孔子之應答弟子時人者及弟子相與言而接聞於夫子者爲論語二十篇其中言易言詩書言禮樂春秋者匪一則論語者固羣經之鎖鑰也故自漢宋以還說經者妙不自論語始然人自爲說其義各殊故不能有得而無失其始也失之鑿繼失之雜中失之悻後失之黨最後不失之黨卽失之肆不失之肆卽失之瑣要其歸不過漢宋兩學壘爲勝負究於聖道無大乖鑿也訖今民國肇建君臣之道廢議者竟謂孔子尊君抑臣欲罷其祀而廢其書噫何其愼也夫孔子爲聖之時其時周道衰而王綱未解自不得不明君臣之義且其所述六經皆取先王之政教典章未嘗離事而著理卽論語固多孔子之遺言然於君臣之際亦未見其果尊而果抑也如曰君君臣臣君使

臣以禮臣事君以忠事君勿欺而犯忠焉能勿誨乎諸大旨是寧備責之臣邪抑責之君邪此固有識者所共知則又烏可以廢哉其亦弗思爾已今年春遵義宦君誨之出其尊甫 幸齋先生所著論語精問序於予予爲之再三讀竊嘆 先生能萃聚羣言折衷於前誨之能曲體聖心補苴於後既無門戶漢宋之見復不倍民國共和之旨先生之志可謂勤而誨之能繼 先生之志尤爲不可及也予力薄媿不足以闡揚聖道故爲反覆道之於此世苟有深思好學者繇論語稽而上索之六經俾先聖之道獲用不墜豈微 先生與誨之之幸抑亦予之幸也夫

民國二年二月一日黃岡夏壽康序於湖北民政府

論語稽序

民國元年始黜六經罷孔祀黔中宦誨之獨介吾友劉荅生致其先德辛齋先生論語稽都下使序之明年春當民國統一之期年政府特闢天地壇縱遊樂余登饗殿觀鐘彝輒泫然流涕曰嗟乎孔教亡矣吾其得爲猶太之民乎哉乃取論語稽而序之曰人之並育天地間而不相害者敬愛之良不忍而已古者聖賢不得志哀天下之民困於強暴而無能殄之也創爲宗教特尊天地鬼神以懾之帝王知其然故宗教嚴而天下大治宗教者積不忍之誠發人敬愛以救刑賞之窮杜爭殺於無形之域者也顧嘗涉觀宗教諸書要未有廣大精微如我孔子者孔教之書莫詳於論語其說一貫以仁而行之以禮此宗教之所同也而其道獨自孝悌始孝悌者敬愛之源仁禮之質也今之論者輒曰同胞乃獨舍人倫非孝悌強途人而兄弟而先途人其父母兄弟焉房闔已戈矛矣但使天下各親其親各長其長油然而孝悌尙何爭殺之足憂故孔教敬愛之深實足結天下人心而不亂又懼孝悌終而敬愛歇特重喪祭以續之喪祭者敬愛之積

論語稽

陳序

仁禮之徵也極之父天母地郊壇大祀天祖一堂人物皆成昆季始終一孝弟而已天下尙有不治者哉嗟乎孔教之精斷非無本之施所可同年而語故孔教行而民族之盛物產之蕃燦然冠絕五洲之上又懼後世溺於禱祀將以闕民也故曰務民之義敬鬼神而遠之又曰獲罪於天乃無所禱嗚乎此豈道佛耶回所可測其萬一者哉後生譚閻謬釋共和嗟然以孔教尊君爲病夫君者羣也君臣之義豈獨帝王然哉耶稱治我爲父母奈何不聞美法黜之也夫國於天地必有與立政治人事教治人心教說之精皆足衣被萬世故天下有無國之民斷無無教之國國無宗教豈特亡國之憂今環球爭殺人類阡陌危難道佛耶回君子猶將挈其精神以範天下况孔教之覆轡無外者乎漢高之起也生不知書甫定中原卽以太牢祀孔子孔教之行中國之盛綿續且二千年法蘭西共和之始埃卑爾獨倡無神之說黜耶經廢天祀閼然挾女優登壇玷拜爲真神遂致綱紀蕩然爭殺至八十載今民國肇造百度紛拏獨先黜六經罷孔祀復舉郊壇嚴肅之區恣魚龍百怪之戲侈鼎彝尊俎之重鐘磬琴瑟之華以供嬉玩士女

雜沓歌舞遊遨外則心社共妻無天設會方之埃及害且伯之政府猶津津以尙禮飾天下嗟乎禮起於祭祭且亡矣尙何禮之云哉痛乎人之別於禽獸者敬愛而已神州之初一禽獸場耳神聖代作創爲衣食拓爲宮廟制爲倫常文字禮樂教化且數千年締造艱難始克脫禽獸以隕人道今人心一肆敬愛胥亡紛然自返於禽獸其禍尙忍言乎猶太之亡也其民散處四方羣焉明政法殖貨財抗衡英美遊踪所至康樂和親豈其才之異特哉國亡而教不亡人心不與國俱亡也今孔教之亡若此人心亡矣吾雖欲爲猶太之民其可得哉所由涕瀉鐘彝汲汲焉序論語稽以存之者此也是書集漢宋之精折中一當黎序已詳莘齋研經早世誨之廣續以成其書流播於干戈廢絕之中以待後世皆古君子之用心不具論論孔教存亡之大庶天下知所擇焉

癸丑春正月二十日桐城陳濟然序於都下寄廬

叙

孔子垂世立教之本在于六經而傳記爲之羽翼傳記多矣其爲天下所最尊信者莫如論語是故班固叙書以論語殿六藝之末而不列諸儒家趙邢卿曰論語者五經之館鑄六藝之喉衿也豈不然哉註論語者衆矣其最通行于世者爲古註朱註然世人多未滿意于是采集衆長而發明新義不得不有賴于後起者矣宦君誨之好學深思之士也嘗校刊其先君子莘齋先生所遺之論語稍欲以公之天下扶植聖教意甚盛也孔教會既成立宦君乃以之郵示于予且命序之予讀竟見其引據淵博考訂精審先全錄古註于本經章節之下次節錄朱註次載莘齋先生之解釋間或附以誨之君之引証其爲書也從朱註者十五六從諸儒者十三四下已意者十不得一焉豈所謂述而不作信而好古者耶及其自下已意則又獨闢蹊徑持之有故言之成理誠可謂有功聖學者矣然誨之君以愛護孔教之故于經文言君之處竟不惜改竄其先君子之原著以求合于俗予甚嘉誨之君之志而惜其所以達之者太曲折也夫宗

教者神聖不可侵犯者也即使時移義異不適于用而既屬古誼亦安能不存其真况
其有適用者在耶強聖言以就世俗是反以世俗爲主矣然則聖言之可尊者安在哉
故予謂誨之君之改竄徒多此一舉也雖然若誨之君者洵可謂善繼志而述事者矣
非 辛齋先生之善教亦安能有子若是哉

孔子二千四百六十三年十二月十六日即中華民國二年一月二十二日高要陳煥
章謹叙

黎叙

論語一書古今疏註母慮數十百家孔鄭數典程朱析理漢宋諸儒厥功偉已國朝學人輩出蒐羅闕失匡正訛誤句梳字櫛幾無遺義博覽周觀洵侈且美唯是人自爲說醇駁雜見出奴入主士夫曠焉伯銘昔從吾兄篠庭先生游其學具有根柢顧鬱鬱不得志於時窮歿牖下余既彙刊其詩古文辭爲他日文獻徵矣其子應清復以論語稽畧余余察其大旨以何晏本爲經以朱子集註本爲緯迺以近今毛閻黃龔諸家組織之取義從長折衷一是羽翼聖經庶幾乎在至其自下己意如冕衣裳與瞽者訓祭於公之大夫樂工入公門二十一一句訓由外朝而治朝而燕朝通記之千乘之國訓井田百里合山川附庸五六七百里先進訓周初時後進訓春秋時麻冕訓喪中從吉之冕盛饌訓主人過禮由誨女

知之乎知之訓所誨者與其易也易訓變除之次居不容容訓張容誠不以富亦祇以異富訓富於見聞異訓異於流俗誰毀誰譽譽有所試即直道行即率民而民從章甫殷冠周儒者冠之以相禮告孟懿子無違以先有僖子學禮之命焉能爲有亡有亡指道德冉子歸魯在孔子自楚返衛後五十學易乃自齊返魯退修詩書禮樂時語孔子爲魯司寇司寇即臧氏世官不忤不求六句乃記者因緼袍語而類記原思爲宰六句因子華事而附記微箕訓地名子訓男子美稱都凡二十餘事一皆斷制精審允合經義獨其請車爲擲訓以車爲殯棺之擲尤足補二千數百年說論語諸家之遺闕嗚呼伯銘使獲爲世用本所學以措之斯民其必大有可見者不然天假之年所成就必亦不止此而終阨窮以死天乎惜哉光緒乙未夏四月同里黎庶昌

王序

予幼讀論語至子游問孝章朱註以大馬擬父母頗訝其不倫竊謂孔子大聖而忍出此言哉及長稍涉古註包氏咸則以犬馬方人子其說理直而氣順然後恍然於朱註之失也可見說經不明足爲聖道疵類繇是益博取諸家經說而參考之朱註所失十蓋二三焉惟 國家自光緒壬寅以前沿明制以四子文設科 明詔士子遵守朱註舉薰心利祿之倫罔不奉之惟謹而諸家經說悉屏棄弗觀并不知朱註之所以失者於是博通之士病之吹求朱註不遺餘力蓋尊之者極則攻之者至要之攻之者雖未必盡是而尊之者究不能無非間嘗欲起而折衷之徒用識見謗陋牽於外事而未能也今年夏四月予友宦誨之先生出其 尊人辛齋公所著論語稽辱命參校且序之伏讀數過竊嘆其先得我心之所同然也公故積學士以不得志於時發憤著書不下十數種此編乃其晚歲所成蒼萃羣言折衷至當不黨同而伐異不阿此以詆彼至問

予已見尤能發前人所未發黎純齋氏序之藁悉蓋自有論語以來註釋之精詳毋若斯者吾知他日風行海內實足以擴學者之聞見而定其趨向而指擊朱註者亦或可以息矣樊中得睹此書之成不亦幸哉抑樊中猶有惜者自朱子以論語合學庸孟子爲四書元明迄今莫之敢廢然學庸孟子集注之失視論語相上下藉令天假公以年俾得以次而稽學庸孟子然後合論語爲四書稽厥功不尤偉與不幸論語稽甫成而公遽歿故序公書不能無慨然矣宣統三年六月既望黃岡後學王樊中謹序

叙例

論語稽二十卷篇首孔子世家稽一卷先子辛卯壬辰年稿也先是庚寅夏應清省先子邗上偶論朱子四書註治經家或過詬病苟有人起探諸家之長補朱子之義寧不甚善先子曰難是年秋先子西歸應清留滯兩年聞訃奔返葬事畢急檢遺稿則論語稽在焉校讀數過知先子因曩日之言而成此書矣手澤僅存罔極莫報追維夙昔五中崩摧惟是書甫脫初稿先子嘗擬刪改迺出問世年壽不待賫志遽沒應清不自揣其謏陋謹承先志增飾之其精美皆先子之舊否者應清不文罪也書成爰舉一編體例條列簡端並叙其原起如此

一治經家務出己意求勝古人古人不可必勝則爭競之心起而翫凌之氣盛於是詆毀刺譏若與古人有不共天之仇者是書以稽名編意在述舊而擇從不爲求新而苟異凡所詁訓先審本經字義語氣而以古註朱註衡量出入然後卽諸家之說旁

參之義取合經惟長是從悉不謂長或下己意己不能下姑從其近綜其全書從朱註什五六從古今諸家說什三四下己意什不一焉本不求勝何事陵人以逞惟應清生處偏隅聞見已陋質性魯鈍觀覽輒忘斷制或病無識援引尤多疵謬惴惴此心知不足繼述先人志事海內大儒苟能正其舛誤俾成完書馨香祝之矣

一何晏本於鄭注多所刪佚而偽孔王肅之說反藉以存潘維城氏採采鄭注悉屏孔王余意不然鄭固當復孔卽僞要其與王皆吾以上舊說也且安知何所引非出孔本之舊也宜竝存爲考古證惟鄭注錄自何書潘已具載茲可從略潘引或謬間爲駁正

一古注母論從違悉錄全文各依原本載本經章節下皇邢兩疏間從節錄
一朱注過繁每從節錄唯章節與何晏本互歧各依原本既懼淆雜專依一本復弊割裂其失均也今仿皇氏疏體例略變通之以著其章節之別

一朱注本與何晏本章節既異今酌兩本擇從其長於朱註後注明

一古今本經文亦偶有異同註疏從之是書經文從今本唯於註疏兩歧者注明何本作某字註疏無歧即不復注

一朱子守程子師說動疑經文錯簡然尋繹本經實皆有義可說今悉依經本文解之不敢援註疑經

一先子於古註朱註有所辯止引申皆旁注其下其愚按以後正文則本經正義正文下旁注皆以申本文之旨而應清有所引證則加清按字別之各卷首既有男應清校註字樣附名先子後故從略也

一辯證有本滿清時諸家者悉著名氏其或不著咎在疏漏非敢掠美惟意取證明不貴抨擊故所引列不皆全文約略其辭取足達意而已

一凡所引證經傳爲主經傳所無適取子史子史并缺適采百家

一如家語列禦寇汲冢諸書說者羣贊其偽竊以謂書文之偽六經多有之不得執謂全書皆偽也然恕六經而獨嚴於百家抑又何也是書所引義取證經不敢因偽案真

一書中所下己意義取合經然一家之私非天下之公也義理既阻一途載籍亦難遍覽自以爲是寧不爲通人所非獨矜其得或已爲斯世所有要之自抒己見取證當世同異之間皆借鑑資也

續例

是書於辛亥夏五已付手民迄於仲秋十得七八民軍起義有乘亂劫奪者燬失過半時局漸定迺復刊之

凡振華印書館刊印者皆寄存他處未燬失者也其開明維新兩印書館刊印者則結刊或重刊者也

專制之俗既躋共

和孔子忠君尊君之言不宜今世異教黨徒乘隙思逞悍然欲廢其教而罷其祀

廣東教育司長楊榮光等事教民國元年派員赴中央教育會持其議案謂學校中設有教主之偶像神像皆宜撤去云云及京師教育會第二次開會之第三案即為不祀孔子雖由衆議取捨其案然春秋丁祭迄無明文各省或祭或不祭各從其便而自教科書發行後

粵自歐風東被衍其學說者往往變易孔子及孔門諸子語氣

強爲傳會以自取重有謂宜採集其長取合時俗藉資保存者應清竊以爲孔子

生二千數百年前因時立言爲其事理之當然今民主政體雖異君主而治法可

變治理終不可變

君主專制政體視國爲君之私物臣民皆君之私有君事民而民從之立法之權操之君君可

以命令變更法律民主共和政體視國爲民人之公物大總統及凡百執事皆民人之公僕爲民人所公有受民人之監督立法之權則衆公之自大總統以至民人皆共納於法律之內此治法之異者也其必以大總統代君而統一之也民人必受治於司法行政各機關也仁義禮知信必所不用也仍親其親尊其尊其長其長而男女亦有別也此治理之不能變者也然則君主之變爲民主不過君位君權化私爲公祇如封建井田之變爲郡縣課賦耳非遂無其位無其權也諸孔子書者唯在會通其理而已矣孟子曰說詩者不以文害辭不以辭害意以意逆志是爲得之吾於六

聖之忠君者亦欲云云

彼讒慝之口曾何損於日月之明與其強古以就今變易其語氣而失

古人之真不如據今以說古分釋其義理而適當世之用爰本斯旨就書中忠君

尊君各章附以應清按語而別爲論語不背共和意旨說一篇以明之茲續叙其

例如左

一是書爲先子遺稿其言君各章有闡發聖賢立言本旨而未適今日民國共和之理

者謹附應清之說於後以申其義

初應清欲保存孔教且欲是書有合當世之用擬改原文而易以新說高要陳重遠煥章非之適仍刊原本而第以應清之說附焉其得免爲孟莊

子之罪人則重遠之罪也

一孔子與孔門諸子生專制時代其所言自爲君臣應清於忠君各章釋君爲國釋臣

爲身祇謂今之詁訓宜然初未以入其語氣而謂當時之言爲如是也聖賢立言義

昭千古共和之局成於今時應清就今言今不敢厚誣古人

應清於學而諸事君能致其身句先聖明聖賢限於時代合君國而

一之其言君者狹義而爲君之一身其言忠君者廣義而君即爲國此所謂事君即從事於國又引晏子之言以見君與國分古人亦有此義而於臣事君以忠句則承之曰事君者從事於君以共治國事於禮樂征伐自天子出句曰專制之天子今

宜訓統一政府於君臣之義如之何其廢之句曰今君宜訓國臣宜訓身君臣之義即以身爲國服務之義凡此者皆謂今之
詰訓宜然非謂孔子及孔門諸子之言爲如是也蓋與賢之責自如彼今之說之者可如此正以見聖賢雖限於時代而其言
仍百世不易也陳重遠煥章之言曰強學言以就世俗則聖言之可尊者安在同里楊次典亮鑄之言曰君與國分其說發明
不過五十年傳入中國僅十年若謂數千年前已主此說未免厚誣古人應清之自言也亦曰孔子生二千數百年前因時立
言爲其事理之當然與其強古以就今變易其語氣而失古人之
真如不恤今以說古分釋其義理而適當世之用皆此物此志也

一鄉黨一篇記孔子對於君者多尊君之事其文與三禮詳略互見唯容色行止爲孔
子所獨蓋當時禮制如此孔子祇循之唯謹耳古今異制既不相襲且於治理無關
卽不必別爲之說

一孔子者聖之時者也時而脩春秋則尊周而內魯

春秋爲魯史故義當內魯春秋二百四十年
間周爲共主無有代之而王者故義當尊周時

而對於君則循時王之制

孔子之對於君或仕於其國而爲臣或遊於其國而爲
外臣其對之之禮多與周禮倣禮記合蓋循周制也

而時而有王者起則

必爲伊尹太公周公

孔子嘗夢見周公又曰吾其爲東周乎又曰鳳鳥不至河不
出國吾已矣乎又告顏淵以及時殷紂周居紂無其禮也

時而有土地民人則

可爲周之文或爲殷之湯周之武

說本于西史記楚昭王時以書社七百封孔子子西不可曰
周文武以百里王天下孔子若有士賢弟子爲佐非楚昭也

時而有舜

禹其人又必爲堯之禪舜舜之禪禹

孔子謂韶盡美盡善謂武未盡善又以文王舜伯
爲至德皆以公天下爲重之說不獨祖述堯舜也

應清發明此

義

見顏淵問爲邦齊景公待孔子子路遇丈人及公山弗擾以費畔等章

祇自抒己見謂時至此則孔子必可如此而已至孔子

去魯而遊於陳宋鄭衛間且南遊而至僭王之楚何以獨不至周彼陳宋鄭衛與楚者苟有王者起昇孔子以伊尹太公周公之任孔子是否猶尊周內魯孔子而有土地民人果否如子西之說則願當世知言君子共研究之也

一近人謂孔子爲宗教家引證其博

漢書孔鮒論尤博極羣書引據詳確

蓋出於保全孔教之苦心不惜以

耶回佛老相比附也應清間亦及之唯不敢過事傳會反失聖道之大

見有教無類子欲無言等章又天生

德於子桓其如子何天之未喪斯文也區人其如子何等語凡宗教家引天自信亦大抵如此

論語不背共和意旨說

男應清謹擬

民國成立廢數千年君主之專制一躍而躋於共和論語一書多尊君忠君之說其與共和意旨有無相背此吾人所不可不研究者也

孔子時代視國爲一姓之私物故君與國渾而爲一民國時代視國爲民人之公物故但有國而不復有君而論語之言君也其忠君者多廣義言君實卽言國其尊君者多狹義言君祇爲君之一身而二者之間或又有爲統一政府主義者茲區別之如下其言君而實卽言國者若事君能致其身臣事君以忠使四方不辱君命臧武仲要君事君敬其事而後其食鄙夫可與事君也與哉君臣之義如之何其廢之等語是也其言君而爲君之一身者如事君盡禮拜下君在君賜食賜腥賜生君視疾君命召等語以及鄉黨所記孔子對於君之事皆是也

其言君而實爲統一政府者如禮樂征伐自天子出北辰居所衆星共之等語是也今者君主雖廢而國猶是國也國中不能不有一大總統以爲統一之政府而服從之也民人與凡百執事對於大總統不能不有加禮也則凡論語之言君而意實言國者

釋君之義爲國釋臣之義爲身可也其對於君之統一釋以中央政府之統一對於君之服從釋以服從於統一政府可也其對於君之一身有加禮例以對於大總統之有加禮可也雖權有重輕禮有隆替而因時制宜古今異勢既不相襲即何相背之有且釋君爲國則君不過國之代名詞矣釋君爲統一政府則凡言皇帝言帝王言天子皆統一政府之代名詞諸侯亦政府之代名詞矣尊君例以對於大總統之有加禮則凡拜跪之儀節祇視同脫帽鞠躬矣說者謂民國成立五倫廢君臣八德去忠苟釋爲國之與身則合父子兄弟夫婦朋友而仍不廢矣民國不可有不忠於國之人而孝弟忠信禮義廉恥亦不可去矣

駁之者曰五倫之君臣父子兄弟夫婦朋友皆人與人爲對待國非人也似與身不能對待則應之曰國字從或在口口中即古國字或有二義一爲古域字疆域也一爲不知誰何之意言人多而不知誰何也然則以我一身對於多數之人猶君一父一面對於多數之臣與子也何不可之有

夫吾人所惡於君主者惡其專制耳若君使臣以禮君君爲君難一言而喪邦忠焉能

勿誨乎事君數斯辱事君勿欺而犯百姓不足君孰與足紂之不善天下歸惡非皆所以防專制之弊乎

吾人之趨於共和者以其天下爲公耳若稱秦伯之至德美堯之則天舜之成功許夷齊之求仁得仁非皆著其不私天下國家之公德乎

況民國之義民爲重君爲輕保種族爲重殉臣節爲輕孔子之論管仲也置背紂相桓而許以民今受賜懼被髮左衽而不許自經溝瀆非其旨乎民國重民事務民之義非其旨乎民國重民權民之所好好之民之所惡惡之舉直錯枉則民服舉枉錯直則民不服非其旨乎民國重民生因民之利而利之非其旨乎民國責任國務員總統不安自尊大舜禹有天下不與恭己正南面而立百官總己以聽冢宰非其旨乎民國重同胞海內皆兄弟非其旨乎民國重選舉舉舜選皋陶湯選舉伊尹非其旨乎民國諸英雄以造時世爲己任知不可而爲非其旨乎民國諸志士刺恩銘炸孚琦鳳山良弼三軍可奪帥匹夫不可奪志非其旨乎至於乘桴浮海已開革命諸君海外謀國之先夷狄有君仍不免爲夷狄不如諸夏之無君而治則更不啻預見今日民國之現象矣然

則論語一書且無往而不合共和之旨矣

世界萬國由部落而趨君主由君主而趨共和此必經之階級也當君主時代非忠君尊君主義不能保守其國之治安所謂彼一時也今共和政體已定人人心目間已無復有共戴君主之觀念所謂此一時也爾爲爾我爲我縱執忠君尊君之舊說亦不能搖動我共和國民之心理況一釋君爲國而即可合共和之旨哉

吾民軍崛起之初嘗號召天下祖黃帝而自明爲其子孫其紀年亦曰黃帝紀元四千六百有九年夫黃帝固吾人之祖然非帝制之祖乎帝制雖廢而數典不能忘祖安得嘗孔子尊君忠君爲背共和乎

國民醉心歐美之俗以爲君臣之義既廢即可敗常亂紀伏越範圍於是有倡言平父子之等破夫婦之倫者外人教徒乘隙而入欲肆拔趙易漢之計敢爲去草絕根之謀而廢孔祀廢孔教之謬說遂公然騰於耳鼓洪水猛獸之懼豈獨韓氏哉

論語稽

遵義宦懋庸伯銘學

男應清誨之校註

後學 黃岡王真中文獻 金匱子漸遠古宜 參校

孔子世家稽

孔子名丘字仲尼

家語稱顏氏結於尼為生孔子生而青上圩頂故名丘字仲尼

其先宋人父叔梁紇

宋孔父嘉遇華督之難其子木金父奔魯生叔梁紇字新父以王父字

為氏新父生防叔仕魯為大夫是為孔氏始仕魯祖防叔生伯夏伯夏生叔梁紇紇為魯鄆邑大夫娶施氏有九女無子妻生孟皮

母顏氏

紇以孟皮有足疾乃求婦於顏氏顏氏第三女曰徵在以妻之史記以六禮不備故云野合

以

魯襄公二十二年

春秋為開鑒王二十一年魯平公五年衛獻公亡在外襄公之九年齊莊公三年是年諸侯再會沙隨

庚戌之歲

庚戌年曰歲者以歲星之所臨也

十月庚子

消按公羊以為生於己酉十一月庚子穀梁以為生於己酉十月庚子然己酉十月朔庚辰則二十一日庚子而十一月無庚子即以庚戌考之十一月亦無庚子故月當以穀梁為據惟己酉距魯哀公十六年為七十四歲與史記卒年七十三不符且己酉日再食亦非聖人降生之應故年當以史記為據史記本之世本世本亦先於公穀也日則諸家皆謂庚子庚子為庚戌年十月二十七日周之十月今之八月故禮部則例以八月二十七日為先師誕辰至先師誕時諸家皆謂三氏誌薛氏人物考以為甲申時甲子編年又以為癸未時不知何據取備一說可也

生孔子於魯昌平鄉陬邑

古人國郊之外分六鄉六遠是鄉之所治大於邑也夫子將生有麟吐玉書其文曰水精之子龍衰周而為素王生之夕有二龍繞

論語稽

孔子世家稽

附公論新報館內

宰五老降廷按陳

爲兒時嬉戲常陳俎豆設禮容

三歲喪父十九

歲娶并官夫人

封號制國石則亦并官自刊家諱始誤并爲刊後刊宋史乃依漢本說本孫堅文

二十歲子鯉

生鯉之生昭公適則鯉孔子祭

爲委吏料量平二十一歲爲司職吏畜蕃息

是時季武子半平子代立孔子爲其吏司職見周禮牛

人謂爲機義與村同蓋謂

二十四歲喪母

桓弓孔子少孤章近人解叔姁乾死時夫子少故殯五父之衢而未葬及長

而葬時死乃以父棺從葬防其說雖可通而不以時從父乃以父從母亦於理有礙矣愚謂是紛紜說者皆失於不知古今異制

南北異宜妄以今人測古人也夫古者葬而不墳故不修墓形魄歸地魂氣歸天送形而往迎精而返古之制也孔子既合葬後自

以從事四方恐無繼紀久之又必不知其墓乃崇四尺之封則其先之父墓未封可知而南多山谷北多平原山谷難於改移平原易

於平毀三年不封樹則塵土掩之不知葬處蓋常事也周禮察大夫所掌必列昭穆爲厥葬亦取其易識若民間或卑官獨墳尤易

迷其葬處即令繼母告之詳亦不過曰父葬某地而已未必能確指其地也追母既死以時爲招而使往來之路人指日因以

求知父葬之所蓋標道也桓弓去古未遠記本不誤而特誤於後人之議論若謂桓弓建墓則野合之說出於漢大儒亦豈敢於誣

達古今者不足與論古

適周問禮於老子既返而弟子益進

家語南宮敬叔言於魯君與之一乘車兩馬一

昭公二十五年甲申

十一年晉頃九年衛襄十八年楚平十二年

孔子年三十五昭公奔齊

左傳季平子與

故國以得罪於昭公昭公率師伐平子平子

於是適齊

景公欲封以尼谿之田

按景公問政子

父子子也日又問子曰 晏嬰不可孔子遂行 田說其時或與高昭子家臣友善內之以白昭子由昭子而遂景公最

公爲人外強中乾雖有晏嬰之賢實難處之難自顧不暇焉能謀魯不亡夫子所謂而往欲以封 反乎魯定公元年壬

辰 按大事表周敬王十一年齊景三 孔子年四十三 時蓋季平子身如向在也 五年丙申季孫意如卒 桓子

於是陽虎作亂 何按左傳定五年季平子卒陽虎將以鳴璫飲仲孫閱與虎飲遂之以告公山不狃不狃曰彼爲君也子

桓子於陽虎而殺之桓子與其御林楚聘入孟氏之門虎遂劫公及叔孫氏與孟氏戰不勝竊資五大以出入謂陽關以叛 孔

子不仕 遇陽虎於微在丙申後已亥初是時季氏不知有君陽虎豈知有季 而退修詩書禮樂弟子彌衆 按

假年學易之語 九年庚子 按大事表周敬王十九年齊景四十 孔子年五十一 公山弗擾 弗擾左傳作不 費

昨季氏 何按左傳定五年季平子死令陽虎還仲孫閱與虎飲遂之以告公山不狃不狃曰彼爲君也 以費

毛奇齡諸家所由疑也 何按左傳定五年季平子死令陽虎還仲孫閱與虎飲遂之以告公山不狃不狃曰彼爲君也 史記本

文也 何按左傳定五年季平子死令陽虎還仲孫閱與虎飲遂之以告公山不狃不狃曰彼爲君也 史記本

也 已何必公山氏之也 二句語氣則以公山氏召爲合 孔子欲往而卒不行 何按史記孔子所道彌久溫溫無所試曰

乎欲往子路不說止孔子子曰夫召我者豈徒哉如用說其爲事固平然亦卒不行據此則召爲弗擾之 其後定公以孔

論語稽

孔子世家稽

附公論新報館內

子爲中都宰一年四方則之遂爲司空

工部之實佐

進司寇

家語作大司寇如今之刑師尚書清按後儒
駁之以爲實小司寇亦孟氏之屬實今考孔

子之司寇即臧武仲所爲之司寇則不當言大亦不當以小說見後鄉黨篇朝與大夫言節下

十年辛丑相定公

會齊侯於夾谷此是陳桓之相如今之差使非卿官也

齊人歸

魯侵地

左傳有却麻火摩錫
地者返汝陽州也

十二年癸卯

按大事表則敬王二十二年丙辰月
十年暫定十四年滿三十七年

孔子年五十四攝行相事

而按近人以左氏及鍾孟晉不見相魯事以事齊諸儒憤諸人不待位故爲此說以誇之云云愚意不然春秋之相不過補其君而出政非如後世之宰相其實有石像上也故管仲相齊桓位在高下管子相齊景位在陳氏下孔子亦猶是耳不能取季氏之位而代之也管仲在位久故可紀孔子係三月其道未大行故左氏論孟公未紀亦無足怪者且曰攝則猶未若管仲之相也冉子攝朝章云若有政吾其與聞之正其家語聞國政之辭夫歷傳缺義之事其散見於子史者多矣何獨於孔子之相而疑之今從史記及家語荀子等書仍舊攝相
誅少正卯 少正卯事見荀子少正之官管日歷如今飲天監也卯號閑人植多事之秋意其事詳又見鄭康成與大夫書下 必於三家多所議論如太康時之敬和樹棲主時之譙周辯言亂政故誅之

誅少正卯

少正卯事見傳子少正之官箴曰歷如今欽天監也卯號閑人值多事之秋必於三家多所議論如太康時之華和樹後主時之譙周辯言亂收故誅之

與聞國政三月經國大治

四方之客至乎邑者不求有司皆予之以聞

還使仲由爲季氏宰墮三都収

其甲兵

於是叔孫先施將攻費公山不狃叔孫率費人裼魯公與三子入季氏之宮亞武子之嬖費人攻之弗克費人北國人追之姑蔑二子奔邾邾所費

孟氏不肯墮成圉之弗

克

公叔處父謂王孫曰昭成之人必至於此門且成孟氏之保障也無成孟氏也我將弗助至公欲成弗克趙盾李叔之謂昭成者陽虎弗援及輔之吁并獲其殃故執以滅刑陪臣之得勢而去其惡何患孟氏未身受其害則欲將以成爲彼見之

竊故公敬處父之說得行蓋時勢雖同而事
權則異夫子不得雷手以奏功亦天爲之也

十三年甲辰

按大事紀原載王二十三年所賦五十一年晉定五年而五三十八年陳國五年宋景二十年蔡昭二十二年鄭襄四年曹魏五年

杞傳凡下秦惠四年楚
十九年吳闔廬十八年

齊人歸女樂季桓子受之郊又不致餽俎於大夫

之乃飾好女子八十人衣文

[illegible]

衣而無樂文焉三十期遺魯君陳於魯城北之高門外極子謂定於微服往觀終日子路曰孔子行師已境之子曰吾歌可夫子可行矣子曰魯將郊若致驛吾獨可止及受女樂三日不朝志政事郊又不致驛

按史記十二諸侯年表及魯世家皆叙女樂事魯事於定十二年又年表及衛世家書孔子來衛之知魯曾在衛三十八年為定十三年則是十二年冬歸女樂十三年春而孔子行也然孔子世家於諒少正歸女樂去魯等事皆在十四年則二者之問史公必有一誤今考昭三都及公圍成春秋皆在定十二年而世家皆叙於十三年乃知史公之誤在此然則去魯當以十三年為斷雖郊特牲郊之祭也迎長日之辛也又曰郊之用辛也周之始郊日以至莊冬至後日知者漸長故云迎長日之至則郊用辛日蓋因周始郊之初其冬至日自後之郊遂用冬至後之辛日也周以冬至祭天寅月新穀魯郊惟五年左傳在魯後寅月於歲始非冬至也然孟獻子曰正月日至有事於上帝又春秋書正月牛為改卜不從乃不郊者四周之正月建子是若郊亦多至矣意者惠公諸郊不敢用冬至以疑於天子故皆然而郊同於祈穀之祭而後之人乃用冬至歟又春秋於四月五月九月之郊皆書不時也其正月唯牛傷乃書書變也然則正月牛不傷而郊之不書可知矣今定十三年郊不書則郊當在正月孔子不歸冕而行則亦正月去魯矣又按定十三年春孔子行夏即有樂蛇淵風比鄰之事說者以謂孔子在位必不聽其非時勞小唯孔子去乃有此事與三都之張遼出兩轍可見魯人在位之有裨也其說亦可取

適衛主於子路妻兄顏淵鄰家孟子作繆由蓋一聲之轉又顏子之妻與子路之妻兄弟也則繆將適陳過匡在本年十月匡任今開

正當匡人以爲陽虎而拘之既解還衛按此時欲適陳至匡遇而還兩實未至陳也主蓬伯玉家見南子史記南子路見夫子見之室公出游

與南子同事者雖通曉乘而便夫子為大乘國人歌之曰國車者色事從事者德耶夫子聞去過宋司馬桓魋欲殺之曰吾未見好色者也遂退即孟子所謂離頑乃同聲假借之字非果痛癢如註言也

之得稱司馬古時列國卿大夫多以世官為氏如司城貞子也是也按向邑也桓桓公出也司馬世官也三者皆可以為氏

過鄭按家語過鄭與弟子相失立於鄭適陳清按史記世家載魯定公卒則是定十五年據年表及陳世家孔子王司東門之外人云樂聚如喪家之狗

城貞子家居三歲

又三歲孔子五十八即哀元年丁未衛靈公十一年魯定十八年楚昭二十二年是年秦伐魏收三邑楚圍蔡蔡請遂於吳明年遷於州來孔子辨趙盾之失是時晉楚爭伯師屢受兵又召趙盾伐朝歌與

敗趙而返於衛

自陳反衛過蒲潯人嬰而盟之使無通衛及解靈公不能用史記記衛黃英己晉佛肸以中牟

昨召孔子

清按春秋定十三年秋晉趙盾入於晉陽以禦多晉荀寅士吉射人於朝歌以叛士即范氏荀卿中行氏於是荀寅

記佛肸爲中牟事趙盾子收范中行伐中牟佛肸使人召孔子淮南子道應謂趙盾子未葬中牟入齊已葬五日孔子攻圍之據

此則中牟當爲范中行之私邑哀元年召孔子自助五年被伐終趙盾之世不服軌也云以中牟時者秋後晉伐爲重也范中行

叛則佛肸不得畏矣靈公曰佛肸爲范中行立於晉爲叛於范中行則爲義且孔子欲往亦不果孔子欲往不果其意與

范中行誠則三家分晉之勢成矣其說其長宋註以佛肸爲趙氏之宰誤矣孔子欲往亦不果公山弗擾之事同蓋當

時下情上強靈公已成一半不可破世界如魯季氏最強而最先受禍由世官世祿之習其流弊必

至風寒之士抑塞窮途而食饑牛心腐起禍也境實生此直是無路可行故如荷費相與之流何肯不自負恥知甘心田園終

老獨善其身無一人爲此酒者故將西見趙盾子至河而返行至河間黃鳴犢與華之死臨河而歎曰吾之不濟此

拾殘局蓋天時人事至此否斯極矣又主蘧伯玉家靈公問陳不對而行復如陳清按此當在哀公二年戊

缺當未得志時須此兩人而後從政及其得志後之君子惡其禍也

國冉求之歸而歎也說見後是年夏靈公卒出公繼將過蔡有絕糧之厄遂如葉此哀公四年事通出諸夫人皆

立而齊趙納納顏於時蓋孔子行不久而衛也乃發往往則孔子於野其稻子路愠見子曰君子固窮小人窮斯濫矣子路出子貢入子曰吾道非耶子貢曰夫子道大故天下

莫容重少貶乎子貢出問人曰不容何容不容然後見君子子曰曰同使爾多則吾爲爾宰按朱子謂陳蔡從嚴於楚安敢問孔

子江水辨蔡潯於吳不得云陳蔡之間絕糧不得在銀亦不得在哀二年後疑在去宋趙陳時接朱子辨陳蔡大夫不敢問是也

江氏以遷遷於州來不得云東顧之國而以爲在去宋遷陳時則非也考先通鑑云從我於陳者孟子云君子之厄於陳蔡之間而後爲公若乃云在陳者蓋絕糧在陳蔡兩界而其地雖屬陳故文雖有異也考陳在今陳州府蔡始封在今汝事之上蔡平侯徙汝事之新蔡皆在陳西南而遷與接境其二年遷州來之蔡城乃今鳳陽府地在陳東南數百里宋在今歸德府與陳東北接壤在今河南府襄城縣南三十里有古蔡城在汝事之西而接陳蔡則由宋適陳無論蔡之爲汝事爲鳳陽皆非所過之道江氏之說不辨自明又考衛在今彰德府輝縣地在陳北孔子由衛南如陳又西南如蔡之故地而西及於其此道里之順而可信者也蔡邕遷州來其故地人於楚相去數百里史記叙蔡大夫事與朱子以爲遷蔡費用之絕不必兵圍此邇之可從者也地入楚而蔡名蔡猶昔滅韓魏爲邑而仍名韓魏也且楚靈王昔滅蔡而以蔡地爲縣蔡公則今之蔡地仍名蔡可知矣蓋公車先記孔子去又記在陳此兩此蓋記者詳顧記之非必去衛而絕糧於陳也蓋蔡於哀二年夏孔子去衛當在其前哀三年在陳有糧僂吳事如是在哀四年則去衛厄陳蔡非一時事也非一時事而連文記之猶指弓夫子失得司寇將之例也夫失魯司寇在定十三年之制在哀四年而有子之當以因文見義而及之則衛靈公亦是類矣又孔安國以爲吳伐陳陳亂故乏食考吳伐陳在哀元年時孔子居陳故孔云然然與先通孟子陳蔡之問之文不合不可據

至楚楚昭王將以書社七百封之令尹子西不可乃止
子西曰楚封於

十里若孔子明先王法則楚安得方數千里乎夫周文武以
百里天下孔子若有士對弟子爲佐非楚也昭王遂止
又反衛衛君輒欲得孔子爲政
冉有與子貢論焉

先皆在此時
先是季桓子卒
魯哀公三年桓僂與孔子在陳聞
遺言謂康子必召孔子其臣止之
康子立

子公之魚曰昔吾先君用之不終爲諸侯笑今又用之不終是再爲笑
康子乃召冉求
冉求按史記孔子世家孔子在陳康

也乃召冉求按公之魚言似可聽蓋晏於三都之隙不利此輩小人耳
冉求冉求孔子有歸與之歎冉求

既去明年子遷於蔡遂如齊至楚及昭王卒乃返衛今考孔子在陳爲哀三年已酉其時孔子未之則且宋厄陳蔡僂弓有子之言
曰夫子將之則先之以子夏又申之以冉有先進篇記陳蔡之徒亦有冉有則冉有之歸不當在哀三年今以冉有與子貢有論爲

衛君事故及於自楚返衛後考孔子於哀公四年厄陳蔡遂至楚哀六年
求爲季氏宰與齊戰有功
齊之役也見後

昭王卒而返衛則冉求歸當在哀六七年之間蓋自衛返魯而奔自陳也
孟之反不伐章

康子乃召孔子孔子歸魯實魯哀公十一年丁巳冬

按大事表周敬王三十六年魯哀公壬午年魯定二十八年

孔子年六

十八矣

按孔子去魯凡十四歲而歸於魯

時并官夫人先卒

清按孔子自哀六年壬午反衛時六十三歲於是入居至六十六歲乙卯而并官夫人卒禮記伯魚母死期而對哭夫子曰噫甚矣伯魚聞

之遠除之是內反歲伯魚在衛也又按沈氏堂孔氏三出婦以辭後人禮記之文疑伯魚之母非出葬而哭夫子何以噫其甚子思魯人母非出葬死衛出葬嫁庶氏何云庶氏之母不當哭孔氏之廟子思之母非出葬而哭夫子何以噫其甚

出母之問且言不為飯也蓋云云不知古者父在為母喪母死不得哭非以其出也考家語及列女志宋王事記孔子十九妻宋并官氏非年生伯魚年十六并官夫人卒且禮記明言伯魚之母無出字也若子思子上則為出母出母者今之生母也

與爾雖錫爾之出左傳襄公我之自出同義非饒禮出妻之出子思曾於衛見孟子祭在衛見孔遺子仕衛而母就養偶歸魯而併適卒錫之常也庶氏之母者即庶母也如若氏夫人氏伯氏仲氏之類非族也如曰衛之庶氏豈所嫁適子思所仕之國其族適庶

氏乎春秋何無此氏也若子思之母死而不哭即為父後為出母無服之義門人問子思之先君子蓋指孔子非指伯魚孔子嫡母施氏生母顧氏禮記孔子既葬五日而哭而不成喪七日而戚之是顧氏為出母而孔子哀之也孔子喪而子思上不爽門人故疑之

且道禮記亦惟孔子足當之不為飯也蓋即不為白也母者妻則非妻生母不得稱嫡母也且三禮無生母凡言出母皆生母特後人誤解耳依禮記云夫為妻出妻之子為其母妻與夫對可言出母與子對不可言出其必言出妻之子為其母則出母非

彼出之出可知禮記人倫之至註禮記者奈何解之甚耶又按孔遺子孔子妻不衣帛楚辭東方朔七諫路室之方桑兮孔伯魚子取之以自侍王逸章句孔子出遊過客舍其女方採桑一心不視孔子其真信故以自侍是孔子尚有妻說本禮記文

以戊午歲死

孔子年六十九

而魯終不能用孔子

按孔子於哀公問答最多連年已老不復任事以備顧問而已

孔子亦不求仕乃叙書傳

禮記哀公使國悲之孔子學士與禮士與禮於刪詩正樂序易彖繫象說卦文言按五經皆孔子因其舊而刪定之論語則弟子所記如宋

人之語錄惟易之十翼乃出弟子蓋三千焉漢人凡著書者謂之門生受業者謂之弟子今漢碑陰可考見也身通六藝者七十有二人

史記家語兩記大同小異十四年庚申魯西狩獲麟孔子作春秋春秋成最晚乃性法之書也明年辛酉子路死

於衛見禮記弓筮及哀十五年左氏傳十六年按大事表周敬王四十二年齊平壬戌四月己丑按是年四月大建乃戊申本月無己丑註注四月十八日乃乙丑

也已丑是五月十二日註家以為日月必有誤又謂己乙古今文皆相類疑即乙之誤孔廣牧折衷諸論定為周正四月己卯朔十一日己丑為今之二月十一日其引齊傳大約謂魯歷與衛歷不同則暗入魯事傳依衛歷在十五年閏十二月而經書此年正月己卯是魯歷十五年不置閏故此年正月自己己卯也已卯為正孔子卒年七十三歲若據公穀則為七十四矣葬魯城北泗

月二十九日則惟至四月己卯朔而十一日為己丑矣當從之

上今曲弟子皆服心喪三年子貢廬於墓上曰廬者古者父母之喪居倚廬不塗凡六年雖曰過於禮然則後孔子生

鯉字伯魚伯魚生汲字子思作中庸子思生自字子上子生求字子家子家生箕字子京子京生寧字子高子高生子慎為魏相子慎生融為陳師博士融弟子襄為漢文博士遷長

沙太守子襄生思思生武武生延年及安國安國為孝武博士至臨淮太守安國生印印生棣以上西漢孔氏世系

愚按論語稽首篇冠以世家稽竊本史記而微參以他書者也夫說論語者不知

孔子出處時勢則不知發言之故不知孔子衣冠禮節則不知所論之事往往以

宋人及今時風俗好尚懸揣而臆度之雖空理原不外此然於讀書稽古固有間

矣此篇先就世家遂節註明其事閱者必先瞭然於此然後即事求詳亦朱子於

儀禮十七篇冠以釋宮之意賁伯銘自記

論語稽

孔子世家稽終

校學襄陽王汝玉子所
男應勤紀三校字

論語精

遵義官懋庸伯銘學

男應清誨之校註

後學 金壇王受中文 參校

學而稽第一

子曰學而時習之不亦說乎馬曰清按馬鄭字季長扶風人漢順帝時為南郡太守有古論訓說子者男子之通稱謂

孔子也王曰清按王肅字子雍東海人魏太常有論語十卷時者學者以時誦習也誦習以時學無廢業所以為悅懌

也皇疏凡學有三時一就人身中為時如學記發蒙後時則損本而不務時過時則學則勤苦而難成故自六年至十五年所學皆暴也二就年中為時如王制春夏學詩春秋冬學書禮是也三就日中為時日日修息不暫廢如學記藏焉修焉習焉游焉

是也清按皇侃吳郡人梁齊州刺史有論語義疏十卷有朋自遠方來不亦樂乎包曰清按包咸字子良會稽人漢光武時為大鴻臚何晏本作在氏說者謂晏家私諱包

之同門曰朋人不知而不愠不亦君子乎鄭曰清按鄭玄字康成北海人漢魏安中為愠怨

也何曰清按何晏字平叔南陽人魏吏部尚書有論語集解十卷愠怨也凡人有事不知君子不愠之也

朱註子曰至學之爲言效也習鳥數飛也有朋至朋同類也自遠方來則近者可知人不知至

乎君子者成德之名尹氏曰學在已知不知在人何慍之有

愚按人生十年曰幼學十五入大學古人自出就外師以後十歲學書計十三學樂誦詩舞勺十五歲童舞舞射御二十而冠始學禮學者誦往

聖之言體往聖之行合知與行而並進詩書及畢生切身之用皆是也其功則中

庸之博學審問慎思明辨篤行也習訓鳥之數飛本不能飛而漸能飛其愉快有

非他人所能喻者故曰說說者困心衡慮之後一旦貫通怡然自得之情也朋者

古風字鳳爲四靈之一其飛也羣鳥以萬相從故承上以習喻學而言樂樂取義於樂之和

則賞奇析疑之後教學相長快然相對之情也說樂樂其悅雖只點喻其氣象實判然不同人者上極君相之

尊下至匹夫之賤皆是也苟非同道豈能責以知己此在未成德者或不能無所

怨尤若果中有真得則遞世不見知而不悔何慍之有此三句皆以不亦字乎字

終之則我本期其如此而竟能如此心口自相問對之辭也

有子曰孔曰

清按孔安國孔子十二世孫漢武帝時為博士至臨邛太守
訓解古論世不傳今何公集解本所引說義家咸其偶

弟子有若也

魯人少孔子
四十三歲

其為

人也孝弟而好犯上者鮮矣

鄭曰孝為百行之本言人之為行莫先於孝鮮

寡也何曰鮮少也上謂凡在己上者也言孝悌之人必有恭順好欲犯其上者少也

不好犯上而好作亂者未之有也君子務本本立而道生何曰本基

也基立而後可大成孝弟也者其為仁之本與包曰先能事父兄然後仁道

可成

朱註

自子至末
之有也

善事父母為孝善事兄長為弟犯上謂干犯在上之人鮮少也作亂則

為悖逆爭鬥之事矣

君子至
本與

仁者愛之理心之德君子凡事專用力於根本根本既立

則其道自生若上文所謂孝弟乃是為仁之本

程子曰為仁以孝弟為本
論性則以仁為孝弟之本

愚按凡註家皆視仁與孝弟為二概不知仁古與人道

宋大觀本原凡桃
仁者仁皆作人

孟子仁者人

也說文人象形字人旁着二謂之仁如果中之仁萌芽二瓣

仁之為義凡其實在地得生
氣者其萌芽皆二瓣由是千

萬枝葉及成實有核核中之仁仍二瓣先有仁乃有樹有果有本而後有末原始要終仍歸於本其於人也亦然蓋人身生生不已之理也僅言仁故不可

遽見若言仁本是人則即於有生之初能孝能弟上見能孝弟乃成人即全乎其

生理之仁不孝弟則其心已麻木不仁更何以成其爲人本立而道生句逸詩也

上文云原惡既平泉流既清本立而道生見說建本爲說本院元凡道字古書並訓道路從彡從首大學之道中庸率性之

謂道詰訓並同按自漢子有九流百家之言乃有道家後更創爲道統而道之詰訓遂歧多別有一物無礙無礙如有所立卓爾矣有子引詩斷章言君子必

專用力於本有本乃有路可行若上文所謂孝弟者乃人身生理之本也

子曰巧言令色鮮矣仁包曰巧言好其言語令色善其顏色皆欲令人悅之少

能有仁也王曰巧言無實令色無實皇疏巧言令色之人非鄙無仁故是性不能全故云少也

朱註子曰巧言令色鮮矣仁巧好也令善也聖人辭不迫切專言鮮則絕無可知

愚按仁不可見於言色見之言色人人所同知愚賢不肖各有真面目如桃則爲

桃杏則爲杏各自有仁若舍己之言色而巧令之惟以媚人爲事譬之接李以桃

雖亦有花有實而其中已非本來之仁更何以成其爲人

又按禮表記云情欲信則欲巧孔

得巧美不遠過於理與此章凡論語言巧實者四章皆指致飾於外而言實與表記異

曾子曰馬曰弟子曾參也

字子與魯南武城人點之子少孔子四十六歲

吾日三省吾身鄭曰思察己之所行

也

每破每一日之中三過自問察其身

爲人謀而不忠乎與朋友交而不信乎鄭曰同門曰朋同

志曰友傳不習乎鄭曰魯讀傳爲專今從古

禮傳明釋傳直專反註同按鄭校周之本以齊古讀正凡五十事鄭本或無此註者然與引齊讀六事則無者

非也後皆仿此愚按此陸氏自說其引用之明也今何氏集註無此直專反之音亦未引此註陸氏見鄭註云魯讀傳爲專今從古蓋既不取魯論之專音而從引聲之古文也下又申之曰鄭校周之本云云蓋康成校周氏或則生烈之本此本非魯論而或以齊論或以古文證其音讀合論傳是註計有五十事而鄭之別本乃或遺此遺傳傳專之

何曰言凡所傳之事得無

素不講習而傳之乎

朱註

曾子至

盡己之謂忠以實之謂信傳謂受之於師習謂熟之於己

愚按三省者循環往復不敢自欺一事一刻展轉尋索非約計三端而限之亦非

三過自視察也

清按三字說文以過之一合陸之二其數三史記律書數始作於一終於十成於三五數至於三陰陽極參觀之變將觀其成故古人於屢與多且久之數皆以三言如顏子三月不違南容三復季文

子三惠大伯三環補下三環千文三仕三已三年無改於父之道三人行必有我師三矣而三三年三月不知肉味皆此意也如一而求之若者一若者二若者三則失之矣

子曰道千乘之國馬曰導者按何晏集解本作導謂爲之政教也司馬法六尺爲步步百爲畝

畝百爲夫夫三爲屋屋三爲井井十爲通通十爲成成出革車一乘然則千乘之賦其地千城也齊地城常居地方三百一十六里有奇唯公侯之封乃能容之雖大國之賦亦

不是過焉包曰道治也千乘之國者百里之國也古者井田方里爲井井十爲乘百里

之國者適千乘也何曰馬融依周禮包咸依王制孟子義疑故兩存焉李學士曰天子萬乘六軍諸侯大國千乘三軍

後者司馬法之制以司馬法不備而馬融注兵車一乘七十五人是爲三兩四乘則三卒百乘則三師五百乘則三軍千乘則六軍今以千乘其制雖倣下而左六軍以千子六軍實則不足萬乘其制也大抵悉天子畿內爲軍有萬乘而六軍者特寓於六

鄉乃天子宿衛之兵其餘六軍制蓋不與焉諸侯之國爲軍大國千乘而三軍則用千乘非不足於千乘也亦以宿衛之兵數約之鄭曰司馬法云井十爲通通十爲成

方十里出革車一乘甲士三人步卒七十二人敬事而信包曰爲國者舉事必敬

慎與民必誠信節用而愛人包曰節用者不奢侈也國以民爲本故愛養之使

民以時包曰作事使民必以其時不防奪農務也

朱註子曰至千乘諸侯之國其地可出兵車千乘者治國之要在此五者亦務本之意也

愚按註家計地言軍數與司馬法之以軍數計地兩意本不相合計地言軍數者謂實數也此賦稅所出每歲征輸之所本也以軍數計地者虛數也雖有此軍數而不掃境而出之留其有餘以待勝負而預爲之地也清按春秋出兵從無一國出千乘者以晉之強而城濮七百乘厥後席屋前之

之不已出仲若馬設則千乘並非無事何春秋不轉目耶此章千乘之國指實數而言當以包咸

之本孟子立說爲定清按千乘之國馬似與註主馬者錢氏謂古者方十里其中六十四井出兵車一乘與

里之地所能出備車四人之傳包氏者據孟子耳不知司馬法城百爲夫而傳而井而通而或出車一乘即地官四丘爲甸出長於一乘也千乘之地乃方百里者十國方計之爲地三百一十六里不盡六千八百步若孟子所稱百里之國係爲百乘之家包氏十井一乘百里萬井雖得千乘與孟子然一乘百人百里之地三分去一僅六千四百井以家出一人計之得五千一百二十人不及其半爲何氏民者何罪乎按錢氏傳據司馬法解馬義於無傳無所證合梅氏據司馬法駁包氏並駁孟子特以地官傳會之耳夫司馬法者齊景公司馬穰苴用兵威下時追論古昔兵法附以獲實因贊司馬法然井田之制至春秋而漸亡則威平以隆平日則其舊論之出車之法有二一則每乘七十五人加重車之二十五人而爲百人此於經傳毫無證據一則每乘十人徒二十人與特於車千乘公徒三萬合乃主馬氏者不據經傳而以後出之司馬法爲據已屬可疑更令其十人徒二十人可據之法而每乘必以百人計至以民何罪而包氏非通論也主包氏者方觀起引

可以審百畝之命及方六七千如五六千皆未敢當千乘之謂爲金鷄謂開方計之方里而非百里蓋非出車千乘是十井一乘考哀於十二年公羊傳注軍賦十井不過一乘此其証也毛詩歸燕秋昭公五年論晉車賦有云一家九縣是幾九百井餘四十縣當四千乘是十縣出千乘考國經小司徒計四甸爲縣縣方二十里當得二千井萬六千家以二井十六家計出一車而牛馬甲士不與則合百里計之不及十之三而千乘備矣按方氏說雖而微引尙嫌未廣金氏引漢人注與司馬法同屬後出之書不足折服馬氏毛氏引晉賦未必即非用之制可以明禮考之九夫爲井四井爲邑四邑爲丘四丘爲甸四甸爲縣一縣二千三百四夫二百五十六井無二千井也以孟子助法八家同井計之二千四十八家無萬六千家也尤自割深又欲藉莊襄取周司徒司馬被諸匠人之文以乘除之法合之謂乃方二百里之小國是可於包焉之外另備一說而二百里之數無從得未見本不足據也因爲考而斷之曰千乘之國者井田百里而合溝洫城郭山川附屬廣四尺深四尺謂之溝方十里當成中開廣八尺深八尺謂之洫方百里當同開廣二尺深二尺謂之洫孟子曰方里而非一里一井百里蓋非由井而考而問其間有溝有洫則此百里皆專指井田而言左氏曰列國一同則百里之同正公侯之國間之云者此與被井之間也蓋溝洫不在井田內計乘洫洫自不計何況城郭山川附屬乎若合溝洫城郭山川附屬而計則開總大司徒所備公五百里侯四百百里伯三百里子二百里男一百里是也昔明堂位曰或王制問於曲阜地方七百里車千乘孟子曰周公封魯爲方百里魯頃曰錫之山川土田附屬是知魯之制也其廣雖七百里而非田之地仍俟於百里其餘皆山川附屬仲弓車千乘耳更以客百里之命及方六七千如五六千雖說證之千乘乃百里之國不特然可考乎士民氏者大率以數不足爲縣縣不知百里之地以開制九夫爲井計則九萬夫以般人助法八家同井計亦八萬家開制凡地走步出過安出一人則以司馬法七十五人一乘計之只用七萬五千人尙無不足况此說不見經傳而於兵車一乘十人從二十人一法與魯頃公車千乘於倍三萬者合較爲可據則千乘三萬耳於九萬夫備用三分之一何不足之有況孟子於侯方百里伯七十里子男五十里與魯頃公制雖五分七厘三合以經釋經確有可據何必舍此而他求也或曰王制方百里者爲田九十億畝山陽封廣川澤溝洫城郭宮室塗巷三分去一其餘六十億畝云云是溝洫城郭山川在百里內也且六十億畝爲六萬夫取三萬出於車何不可考安必百里之皆指井田乎曰王制之作在秦漢之間處植云文帝令博士作此後出之書與司馬法之不可據據也然其言千里之地封百里之國三十封七十里之國六十

封五十里之國百二十並無三百一十六里之文乃主馬說者據其三分去一之說以服包氏而不據其百里七十里五十里之說亦自矛盾矣愚謂不如從周禮大司徒之文較爲可據夫禮記一經引據家當以理去取不可與易書詩併禮周禮三傳等書同日語也 輕肆則債事怠惰則廢事故必敬然上兢業而下玩忽者令出而未必於

行也故又必信國大則用大無節則弊生無節流弊食糈爲不節即無記實者權輿之正用亦必日計月要歲考之於六官制之於家宰 節者

出之有制也然始爲儉約漸卽刻覈而恩不及於百姓矣其甚者且損下益上如漢桑羊宋王安石置取權稅開聚行青苗而

取之故又必愛人使民以時布時政如三日子紀四日舉趾乃使民耕種之時九月備場圃十月納禾稼乃使民刈穫之時龍見而畢務火見而致用乃使民興築之時仲夏新陽

木仲冬斬陰木乃使民應探之時十一月徒杠設十二月興陂成乃使民謹出入脩道路之時又春秋傳喜嘉以時說本毛奇齡 及農隙講武春蒐夏苗秋獮冬狩皆是也

子曰弟子入則孝出則弟謹而信汎愛衆而親仁行有餘力則以

學文馬曰文者古之遺文也禮記鄭五鄭曰文道藝也

朱註子曰至學文 謹者行之有常也信者言之有實也汎廣也衆謂衆人親近也仁謂仁者

餘力猶言暇日以用也文謂詩書六藝之文

愚按入以內言內則子事父母兄弟通曉問安視膳日出以外言內則又曰十年出就外傳居宿於外是出以外言未十年在宮中子之室十年則出外謹

信就言行言汎愛親仁就師友言以上皆行也經籍遺文則文也夫子設教本於忠信而備於文行先行後文此輕重之序也曰餘力則重在力行可知弟子者對父兄而言此當在未冠昏之時若成人出仕於國又非此章所能盡也

子夏曰賢賢易色

孔子姓卜名商也家語少孔子四十四歲衛人孔頴達曰疏僂人故唐贈魏國公宋封魏公號曰溫國卜商溫衛邑

子夏嘗為魏文侯師或誤衛為魏歟

言以好色之心好賢則善也

皇疏上賢字猶尊下賢字謂賢人若曰尊重此賢人則當改易其平常之色更起莊敬之容朱子從孔說

事父

母能竭其力事君能致其身孔曰盡忠節不愛其身也與朋友交言而有信雖曰未學吾必謂之學矣王曰言能行此四者雖云未學而可謂已學也

朱註

子夏聖學矣

四者皆人倫之大者而行之必盡其誠學求如是而已游氏曰皆所以明

人倫也

愚按下三端明事親事君交友則首端當指夫婦言之夫婦為人倫之始在德不

在色能以賢易色則閨門肅穆關雎所以爲風始也

按陳亦韓云賢易色主夫婦而言賢實如關雎之淑女好逑東家之令儀來教好德非

好色故云易色也過猶夫婦其理其大若賢人之賢則交友一論已括之矣

竭盡也子之力乃父母之遺體所有以父母遺體所有

還竭之於父母如水之竭涓滴無遺

江氏曰說文無竭字竭言竭之假借訓盡也從水易聲愚按說文立部有竭字但訓負舉也從立易聲無懼管渠立切與竭異故

江氏云然此章之訓則竭其正義如飢渴之亟爲是

故曰能致如致邑之致以物遺人曰致言致其身於君也清按

君之爲言國也事從事也專制之世視國爲一姓之私物故聖賢立言亦爲時代

所限合君與國而一之然細釋其旨凡言尊君者皆狹義而爲君之一身凡言忠

君者皆廣義而言君即言國此所謂事君即從事於國也致其身者以身許國也

左氏說二十五年傳晏子曰君人者豈其體社稷是主臣君者豈其口實社稷是養故君爲社稷死則死之爲社稷亡則亡之若爲己死而爲己亡非其私職難敢任之正可發明此章之意

信者踐其所言

也吾必謂之學者言明倫即是學也

君既釋爲國臣亦宜釋爲身君臣之義即所謂以身爲國服事之義仍當列於五倫之首而不可廢故今仍宜以明倫終此章也

子曰君子不重則不威學則不固孔曰固蔽也二曰人不敦重既無威學不

能堅固識其義理也主忠信無友不如己者過則勿憚改鄭曰主親也憚

難也

朱註

君子至不固

既不厚重則無威嚴而所學亦不堅固矣

主忠信

人不忠信則事皆無實故

學者必以是為主

無友至

無母通禁止辭友以輔仁不如己則無益而有損

通則勿

憚畏

難也自治不勇則惡日長故有過則當速改不可畏難而苟安

愚按君子謂在位之人也

附按如謂成德之君子則其德已成於下文不節戒勉結氣不合如謂君子之自脩當如此則君子下宜加之德二字如謂指一君子於此以示學者則君子下宜加者

字近日講章家解之以爲初學者則孔子於初學者即稱之曰君子恐無此理毛奇齡曰魯贊謂主忠信以下列爲一章然子罕篇固有之上有子曰字則自爲一章此章則主忠信三句明明連上文爲一氣斷無分或兩章之理蓋記者非一人彼記略而此記詳也以上諸說實非也今謂君子爲在位之人則春秋之時世祿世官或輕浮或鄙陋或詐僞或狎小人或怙惡飾非皆列國卿大夫之通病孔子以此戒勉之較爲合理且戒者人望而畏之謂也若平常人士當言威儀不當獨言威故此章全言當以戒勉在位之人言之子罕篇乃爲戒勉學者也

固孔先訓蔽言君子不重則無威學則不至有所蔽也

玩則字語意義長蓋聖人爲有位之君子戒勉之欲其合內外人已而交脩也

曾子曰慎終追遠民德歸厚矣孔曰慎終者喪盡其哀追遠者祭盡其敬人

君能行此二者民化其德而皆歸於厚也

朱註曾子至終者人之所易忽也而能謹之遠者人之所易忘也而能追之厚之道也

故以此自爲則已之德厚下民化之其德亦歸於厚也

愚按附身附棺勿有悔虞耐練祥謹其節慎其終也七世五世之廟積祿蒸嘗之

祭追其遠也追者由近以推遠也又按喪服不杖期傳曰大宗者尊之統也禽獸知母而不知父野人曰父毋何算焉都邑之士則知尊祖矣大夫及學士則知尊祖矣諸侯及其太祖天子及其始祖之所自出其尊

統上尊者尊統下宗者尊之統也此雖非民之所能爲而人同此心心同此性其德則固已有之歸厚

對越薄言世無論何事物漸用則漸薄君子治民欲反薄俗而還厚豈待外求

哉亦惟卽民所固有者以身率而先之則民化之而自歸於厚矣昔或有兄死不爲死者謂子羔將爲政宰遂爲

黃或人曰蓋則雖有彼花則冠而解有彼兄則死而子羔爲之喪亦歸厚之一端也

子禽問於子貢曰夫子至於是邦也必聞其政求之與抑與之與

鄭曰子禽弟子陳亢也字子禽子貢弟子姓端木名賜字子貢按鄭注凡言弟子姓名皆此例朱子誤以子貢弟子句上屬陳亢故

有亢爲子貢弟子一說非也家語陳亢陳人字子禽少孔子四十歲史記端木賜衛人字子貢少孔子三十一歲陸德明以爲實古本作陳蓋古人名字相屬亢說文加人謂亦可引申爲鳥類實說文訓獻功與賜義相連當以爲爲正讀訓賜也樂記作子貢見師

乙而調元怪孔子所至之邦必與聞其國政求而得之耶抑人君自願與為治耶子貢

曰夫子溫良恭儉讓以得之夫子之求之也其諸異乎人之求之

與鄭曰言夫子行此五德而得之與人求之異明人君自願求與為治也良誠敦美潤澤其風俗以知其政教其民溫良則其君政教之溫良也其民恭儉讓則政教恭儉讓也

之良和從不違期之恭去者從約之儉推人後己讓之讓也蓋曰夫子入其國便察

朱註子貢至抑抑反語辭子貢至求之與溫和厚也良易直也恭莊敬也儉節制也讓謙遜也言

夫子德容如是故時君敬信自以其政就而問之也

愚按夫子過客地非親密分非臣寮而一至是邦即能洞悉其國政元以私意窺

聖人故疑曲探而得之或以此干進也溫良恭儉讓聚說異朱註以夫子之德容

言義長然以得之云者非必時君就問也禮經解篇曰入其國其教可知君子居是邦當問之

兩疾入國而土地疆田野治麥老尊賢使能位不逾德不閉戶性平氣柔供張夙辦反是則亂此望而知者也佐敬

知者也得此三者國之是非美惡已了然於心目迨至後車前席擁篲迎門長跪請教焉獨不俾此則對之切願

豈與客既無求於主主方有求於客所謂急應者不諱辭以得之三字合全體言之如屈執之明勝理和緩之誠皆宜

揣摩時勢縱橫圖闔者同術哉其諸雖語辭而正以確指其異凡其字皆有所指
諸從者音讀若堵乃指此物而別異於彼物之詞猶言此等求與彼等求大不同耳

子曰父在觀其志父沒觀其行孔曰父在子不得自專故觀其志而已父沒
乃觀其行也三年無改於父之道可謂孝矣孔曰孝子在喪哀慕猶若父在

無所改於父之道皇統其義行二一則其毀之深豈復遺教之是非故君其敬于孝三年也一則三年之內以墓

朱註子曰至孝矣父在志可知父沒行可見然又必三年無改於父之道乃見其孝不然則

所行雖善亦不得為孝尹氏曰如其道雖終身無改可也如非道何待三年游氏曰
無改者亦謂在所當改而可以未改者耳

愚按朱註先取汎說後訂正集註卒取孔說兩說雖義無出入然按切字義言之
以孔說為長若以志行屬父言則子之於父知之必深何待於觀且父行亦何待沒而後觀乎三年言久也道猶路也當行之理也

汪中曰三年言其久也何以不改為其為道也倘非道則為非倫倫叙改
鯨之治水矣蘇仲改行舉德改叔鮮之振矣舜熱又克諸改襲襲之頑矣改道則不由此路舍其所當行

者而別從一路也

此章吃緊在先辨道字朱子謂改雖善亦不孝游氏謂當改而可以未改云云蓋於道之字義偶未之審故節外生枝耳抑知道為當行之路固以其有善無惡者言之試以責喻其父皆商於燕

則必有一適燕之路此當行之路也父在子雖不得自專而遂適燕然其心之欲遠與否則必於其形迹色聞見之故可以

知其志至父將則者之所為志者今則見之於行得尺則尺得寸則寸枋枋履履於適燕之途至於三年則雖歷歧徑

歷艱辛而卒能不設難不苟安不由徑不返顧此非所謂繼志述事之孝子歟若燕非當適之所父溺於前禮坊記君

子復迷於後徒以日月限之曰待過三年而後徐為補救豈為人子哉故不曰行而曰道道字微有斟酌

子弛其親之過而敬其美引論語曰三年無改於父之道可謂孝矣曰弛過敬美

其義可見孝者子承老也以傳重言之非稱其美也可謂孝者言名當其實也

皆於用行政之是非過遠上推言志者心之所之行者足之所履道者本所之而履之之路

之可以語變而非此章語常之本意

大凡聖人之言無空論無懸擬必於名實之源求之未可執史以求經也清按魏元珩以此章為孟莊子發可備一說

有子曰禮之用和為貴先王之道斯為美小大由之有所不行知

和而和不以禮節之亦不可行也

馬曰人知禮貴和而每事從和而不以禮

為節亦不可行也

皇疏先王謂聖人為天子者由用也若小大之事皆用禮而不用和則於事有所不行蓋行禮須樂行樂須禮也

朱註

有子至禮者天理之節文人事之儀則也和者從容不迫之意蓋禮之為體雖嚴

然皆出於自然之理故其爲用必從容不迫乃爲可貴先王之道此其所以爲美而

小事大事無不由之也

有所至行也

承上文而言如此而復有所不行者以其徒知和之爲

貴而一於和不復以禮節之所以流蕩忘反而亦不可行也愚謂

有子至行也

嚴而泰和而

節此理之自然禮之全體也毫釐有差則失其中正而各倚於一偏其不可行均也

愚按先王制禮皆本於自然之理文中有情所謂和也然一任自然則有情無文

其弊必至放曠流蕩又何可行

譬如一事其違逆疾徐緩急其進退疾徐之自然而然者和也不順其小自然則進退疾徐皆有阻礙純任其自然則必進退失宜疾徐無度

小

大所包者廣自天子以至庶人出吉凶軍賓嘉而飲食起居皆是

有子曰信近於義言可復也

何曰復猶覆也義不必信信不必義也以其言

可反覆故曰近於義恭近於禮遠恥辱也包曰恭不合禮非禮也以其遠恥辱故

曰近於禮因不失其親亦可宗也孔曰因親也言所親不失其親亦可宗敬也

朱註有子至宗也

因猶依也宗猶主也約信而合其宜則言必可踐致恭而中其節則能遠

恥辱所依者不失其可親之人則可以宗而主之

愚按何包註異今從朱子信不近義終至失信恭不近禮終流足恭

友紀曰君子慎以

以遠恥又曰恭近遠儉近仁信近情敬讓以行此雖有過其不若矣夫恭慕過情可信儉易容也以此

因不擇人亦

終至失所依倚爲人所累是以君子必慎始而後可圖終不然時移勢易有初鮮

終欲寡尤悔者鮮矣

按信不近義引見生與女子期於梁大水漲柱而死者以之是也若恭不近禮則

東林雖不失爲君子然聖賢處之必無此等意氣用事觀夫子於衛主顧諟於陳主司城貞子於齊主高昭子將之則先

人皆三致意焉不可苟倣之也

子曰君子食無求飽居無求安 鄭曰學者之志有所不暇 敏於事而慎

於言就有道而正焉可謂好學也已 孔曰敏疾也有道謂有道德者也朱

正謂問事是非也

朱註子曰至 敏於事者勉其所不足慎於言者不敢盡其所有餘然猶不敢自是而必

就有道之人以正其是非則可謂好學矣

愚按註疏家多謂學爲誦讀則不免章句之學聖人豈爲是哉此章所言曰食曰居曰事曰言皆日用尋常之地而學卽在是可以知學矣

又按食禮自三飯至九飯十五飯雖多而非以求飽也蓋禮曰聘人

後書在正齊而不致懈怠以成禮節如公曰以我安賓賓辭以退雖知說屬升席爲放嗣爲無算爵非以求安也未嘗飽未安素以前有獻酢醴醢事唯強有力而後能行之彼事之不飽非敬何以行之哉雖升降折介傳辭非禮則失且凡此儀

節當行禮時有諸公大夫來觀禮者席在賓之東至明日勞介之後又必獨告卿大夫鄉先生以勸問得失所謂就正有道也此雖非此章正義亦可備一說

子貢曰貧而無諂富而無驕何如子曰可也子曰未足多也未若貧

而樂富而好禮者也鄭曰樂謂志於道不以貧賤爲憂苦也子貢曰詩云

如切如磋如琢如磨其斯之謂與子曰能貧而樂道按何晏本作富而樂道富而好禮者

自能切磋琢磨者也鄭曰切磋琢磨以成寶器子曰賜也始可與言詩已矣

告諸往而知來者子曰諸之也子貢知引詩以成孔子義善取類故然之往告

以貧而樂道來答以切磋琢磨者也

朱註子貢至好 詒卑屈也驕矜肆也樂則心廣體胖而忘其貧好禮則安處善樂循理不自知其富子貢貨殖蓋先貧後富而常用力於自守者故以為問而夫子答之如此蓋許其所已能而勉其所未至子貢至之謂與 詩衛風淇澳之篇言治骨角者既切之而復磋之治玉石者既琢之而復磨之已精而益求其精也子貢至來者 往其所已言者來其所未言者

愚按顏子簞瓢陋巷不改其樂所謂貧而樂也何本作樂道以樂道對好禮此 坊記作

好樂古人於禮樂往往對舉故坊記作好樂 此章乃貧而樂援二者以改之非也然樂實重二義所樂者何道也好樂則樂之著也 無詒無

驕尚須強制樂與好禮則渙然冰釋怡然理順曾何詒驕之足云此聖賢論人處

貧富之道無與於子貢之貨殖也然此本論處境而適於詩義有合子貢引詩以

明之是之謂善言詩周秦以上經師說詩無一不斷章取義而不顧於語訓蓋古人自入小學先通訓詁至十三國詩時學重已識九千字更不必解字義其詩也必知六藝而後知立言之體

與為政之方故凡說詩曰國風五言七言不謂之詩而謂之言者答述曰 持此說以往得彼說以來於事

則兩不相謀於理則兩足相成故夫子嘉許之

子曰不患人之不已知患不知人也

王曰但患己之無能知也按何晏集解本作患己不知人

朱註

子曰至知人也

尹氏曰君子求在我者故不患人之不已知不知人則是非邪正或不能

辨故以爲患

愚按患猶病也人不知己於己無傷不知人

此知猶良知之知非當知過也

則人本賢而以爲不肖人

不肖而以爲賢辨之不明而與拒失宜則於己有損故不彼之患而此之患

論語精

學而稽第一終

後學王汝玉子所校字
另應勘記

論語稽

遵義宦懋庸伯銘學

男應清誨之校註

後學黃岡王與中文數
金廬于漸遜育宜參校

爲政稽第二

子曰爲政以德譬如北辰居其所而衆星共之鄭曰德者無爲譬猶北辰之不移而衆星共之也北極謂之北辰共拱手也

朱註子曰至
共之

政之爲言正也所以正人之不正德之爲言得也行道而有得於心北辰

北極天之樞也居其所不動也共向也言衆星四面旋繞而歸向之也

愚按北辰

辰之訓爲龍禮者禮也六十甲子分集於十二次以爲歲差而斗柄則分指十二月以紀每歲之一周天書曰辰弗集於房謂天變不應度也

極北紫宮中五星所次

舍之地之總名也

漢書易經注曰有太極焉註北辰也周禮疏引爾雅鄭注天象北辰極也實是上帝之號索隱引爾雅衆星爲北辰何休注公羊太極星爲北辰陳德輔引許農宗穀何陳星爲北辰然以

爲太極帶號則空無其所以爲星則星動而不居非也毛奇齡以北辰爲極星引古尚書北辰爲星宗司馬彪後漢志北
辰星舍元極帶以統諸列宿樂府上有北辰星晉志北極五星在紫微宮中名曰北辰其紐一星天之樞也即北極五星之
一星名極星云云其所引極星是然右尚書後漢志樂府實皆未極爲一星之名晉志尤顯見五星之處皆名北辰毛氏乃以
一星當之且創爲別名極星之說亦未可據矣江永以爲極星不動處而言非有星也漢志北極五星前一星太子第二星
帝王亦太乙之座第三星張子第四星後宮第五星極星爲天之樞沈括謂不動處在極星之末一度餘明末西洋人測之
謂在極星之末三度其說雖是然必指極星之末宮則無論一度三度而極星不能不動動則度數亦無定準且此處何不
因極星立名以便辨離而乃名之曰北辰耶許宗憲曰天左旋西行一日一周以赤道極爲極即北辰也日月五星右旋東
行日行一度月行十三度並以赤道極爲極即黃極也恒星七十年東行一度古法謂之歲差西洋人謂之恒星行其度右
旋東行亦以赤道極爲極赤道極有二一北一南赤道出入於赤道之內外夏北冬南冬至日在赤道南二十三度半夏
至日在赤道北二十三度半故黃極赤極相去二十三度半也然黃道極亦以赤道極爲極故赤道極乃不動處云云此蓋
由地上赤道爲中分之而北爲北極南爲南極其說極極特未能指出北辰究竟係何物耳朱子以爲北辰天之樞紐極有五
星其前一明者太子其二最明者帶座乃太乙常居也其後一星分外開得些子而不善明者爲極星北辰是其中間無星
處者些子不動是天之樞紐北辰無星緣人要取此爲極不可無個記認就其旁取一小星謂之極星此星近辰極動不覺
惟辰不動乃天之中猶磨之心也北辰即太乙星以居於位宮之謂之太乙以其所居之處宮之謂之北辰太乙知人主北
極如帝都云云其說最爲得之惟曰北辰專指小星之傍則小星既不甚明何以古人遠惑不知西東者得視北辰以別之
耶今指北辰者極北紫宮中五星所次舍之地之總名也指爲星則星動不居指爲些子無星之處則無可辨辨殆以星爲
標準以極度爲位次者也考之晉志北極五星在紫宮中名曰北辰周神冬至日加酉之時立八尺之表鑄鐵表端希望北
極中大星夫曰北極中大星則北極之地不備指些子地可知其中不備一星亦可知極星末極星旁是北辰之中心而北
辰二字則不專指此辰者星之大舍也星皆人辰皆極其又曰北極者郭璞曰北極天之中蓋以天之中言曰極以星之大
舍言曰辰名實而實同也北辰爲五星次舍之地之總名則五星之周圍皆是五星雖動亦不離此朱子所謂星如人主辰
如帝都人主動帝都不動也太乙之星其象帝王猶人主也其餘四星如王子妃
嬪大臣之在人主側也太乙不在北辰之正中猶人主在宮中亦不必居正中也 終古不動故以擬帝王之

象

中國居北極出地之四十度零人但見北極不動而不知人所不見之南極亦不動而地繞日一周歲地自西向東自轉一周為一日每歲分四時為四游積歲差至數千年則十二次亦漸為歲故春秋之歷法証諸上古則積差

而不能不改因學紀開曰日右轉星左轉約八十年差一度漢文帝三年甲子冬至日在斗二十二度唐貞元元年甲子冬至日在斗九度九百六十一年差十三度見李肇國史補賈逵云古歷冬至日在斗星太初歷冬至日在斗牛初何承天云覺多至日在須女十度太初歷多至日在斗牛初四分景初歷在斗二十一祖冲之云漢初用泰歷冬至日在斗六度太初歷日在牛初四分法日在斗二十二晉姜夔以月蝕知冬至至在斗十七今參以中星誤以他歷冬至日在斗十一通而計之宋徽宗年所差二度沈存中云顯帝歷多至日在斗初今宿斗六度變與日短星站今日短星東移此歲差之大較也而四輔四星在其前勾陳六星擁其

後二十八經星左旋五緯星右旋與有名之星三百六十無名之星萬一千二百

五十悉環繞之

天地之形北極南極皆不動地每年三百六十日環日一周五星與地皆繞星而二十八宿則經星也緯星動經星不動經星之內有三垣太微垣十星在翼轸北極衡曰天子之宮庭五帝之座十二

諸侯府也其外藩九卿也一日軒轅為極太微為衡衡主平也天市垣二十二星在房心東北室權衡主聚衆一日天廚主斷獄之事儀紫微垣中有北極五星在紫微宮中天之極也天璽無窮三光法耀而北極不移以丹元子步天歌考之五星者第一星主月太子也第二星主日帝王也亦為太乙之座謂最赤明者也第三星主五緯進子也第四星為宮第五星為天樞張衡云此二星並為后宮抱樞四星曰四輔所以輔佐北極而出度授政者也其說又曰左樞右樞夾南門兩面為衡一十五上牽少尉兩相對少牽上輔次少輔上衡少衛次上丞後門東邊大贊府門西喚作一少丞以次却向前門數按此乃紫微垣前之十五星東藩八西藩七南門者近即南門者也又曰陰德門裏兩黃泉衛齊以次其位五女史柱史各一戶御女四星五天柱大理兩星陰德邊勾陳尾指北極顯勾陳六星六甲前天皇獨在勾陳裏五帝內座後門是華蓋並柱十六星柱作柄形蓋形蓋上連連九個星名曰傳舍如連丁按此諸星皆在垣中華蓋台十六星在勾陳上正當大帝所以覆大帝之座勾陳六星在華蓋之下五帝內座五星在華蓋之下勾陳之上象蒼辰之形御女四星在勾陳之北八十一御妻象也六甲六星在華蓋柱左傍分掌陰陽紀時節天柱五星亦在華蓋柱左傍近東垣北溷法五行主御妻夜

之祿者也又云垣外左右各六珠右是內階左天廚階前八星名八穀射下五个天棓宿天林六星左樞在內廚三星右樞對文昌斗上半月形希疏分明六个星文昌之下曰三公太尊只向三公明天牢六星太尊遠太陽之守四勢前一个宰相太陽側更有三公相西偏即是元化一星則天理四星斗裏輔星近看開陽淡北斗之宿七星則第一主帝名樞精第二第三班班是第四名世第五衛國陽光六七名按紫微垣正當北斗之上天本無銀可指其可指而目之者星也丹元子者謂人此諸星之命名皆法周參說者以爲用廿七星經編爲兩階耳故曰居其所而衆星共之

共字說文蓋合四手以象界舉之形如衆手交相承奉者然

人君有德

而一人高拱於上庶政悉理於下猶北辰之安居而衆星順序也清按恭己垂裳之治堯舜而後四千餘年鮮再見者則君主專制之世何足以語此今以議院國務院持立法行政之權而大總統受成於上各省奉行於下則北辰衆星之喻唯共和之統一政府乃足以當之且大總統有一定之位無一定之人於居其所之義尤吻合也

子曰詩三百五曰無之大數也一言以蔽之包曰蔽猶當也鄭曰蔽塞也曰思無邪包曰歸於正也

朱註

子曰至

無邪蔽猶蓋也思無邪魯頌駉篇之辭凡詩之言善者可以感發人之善心惡

者可以懲創人之逸志其用歸於使人得其情性之正而已

程子曰思無邪者誠也

愚按探之管牒被之管絃者曰詩詩三百篇貞淫不齊正變不同然其思之無邪

則一古者詩軒之采即巴人下里豈無一二文人學士飾為雅正之辭乃取勞人思婦鄙賤哀遠於大廷蓋風俗攸殊剛柔異性取興不止一端或托美人香草喻忠賢若為之懷或取鳥獸魚蟲忠孝無言之際寄於微學校狂且刺

夫後風雨思故鄉憂鳴怨野如昔以采芣苢而南之則朝廷賓客之所賦者豈其宜哉至於人非本諸天淵其所以見性情言近而旨則遠辭文而意則隱有如麥秀之歌倚闥之操騷離在門采芣苢見立即不列於三百而詩移世品猶可以反古復始以詩有升降而用思固無升降也此無邪一語所以足括三百篇之義也

子曰道之以政孔曰政謂法教齊之以刑馬曰齊整之以刑罰民免而無

恥九曰苟免罪也道之以德包曰德謂道德德曰六德謂知仁聖義中和齊之

以禮有恥且格鄭曰格來也何曰格正也按朱註引齊格其非心為善皇統郭象曰德者得其性者也禮者體其情者也沈居士曰夫立政以制物物則格以

從之用刑以齊物物則巧以避之格則從而心不化巧避則苟免而情不恥由失其自然之性也使物各得其性則用心不極其各體其情則皆知恥而自正

朱註子曰至道猶引導謂先之也齊所以一之也道之不從而以刑一之則民苟免刑

罰而無所羞愧道之至格至也言躬行以率之則民有所觀感而興起而其淺深厚薄

之不一者又禮以一之則民恥於不善而又有以至於善

愚按格字訓正訓來訓至義無出入然訓正爲長考之禮記周官

禮記衣冠曰夫民教之以德齊之以禮則民有

格心教之以政齊之以刑則民有遜心故君子以愛之則民親之信以結之則民不倍恭以莅之則民有孫心周官師氏掌三德教國子而司誠章訓萬民之德而約之保氏掌三德教國子以道者曰五刑而司教小宰制萬民之百善惡者其有不率教者三讓而罰三罰而士加刑刑取諸嘉石役諸司空或歸之國土政刑中有德禮德禮中亦有政刑用德禮不用

政刑民不知威何以感恩用政刑不用德禮民徒畏威全不見恩二者皆失也故

先王之於民也德禮爲先而實亦不廢政刑之事此章之意在辨其輕重本末非

遂以政刑爲不必用也

子曰吾十有五而志於學三十而立何曰有所成立也四十而不惑孔

曰不疑惑也五十而知天命孔曰知天命之終始六十而耳順鄭曰耳順聞

其言而知其微旨七十而從心所欲不踰矩馬曰矩法也從心所欲無非法者

朱註子曰至心之所之謂之志學即大學之道也三十而立守之固而無所事志四十而知之

明而無所事守

五十而知天命

天命卽天道之流行而賦於物者乃事物所以當然之故也知

此則知極其精而不惑又不足言矣

六十而耳順

聲入心通無所違逆知之之至不思而得

也

七十至不惑

矩法度之器所以爲方者也

子曰至不惑矩

程子曰孔子生而知之者也言亦由學而

至所以勉進後人也

愚按孔子雖生知之聖其學亦與年俱進者也十五者始入大學之時心之所之

者學則念念在學矣然心雖向學而立足未定至三十而壯

古人三十有室處夫婦之道人長八尺舉或數則謂之丈夫

則研究事理已積十五年之久此時脩身齊家步步踏實乃能卓然不移所謂立

也然身雖能立心猶易動不能無所眩奪又十年而更事愈多考理愈精是是非

非辨之親切是謂不惑此卽集義之學孟子所謂四十不動心者也

只是耳根硬牙關緊如狂如亂巨浪中

把得舵竿如千軍萬馬中扎得纜定

然不惑者於人事已有確見而性道之本於天者尙未能極精盡微

又必遲至十年而後窮理盡性以至於命故曰知命

此知如知痛知癢之知他人未嘗而自己親驗雖喻之而言又不得而傳之其實在

愚按孝字之本義子承老也。懿子者受業於孔子者也。其父僖子將死遺命曰：禮人之幹也，無禮無以立。吾聞將有達者，曰：孔某我死，必使二子事之，而學禮焉。夫子因僖子有學禮之命，故教懿子從親之命，無違二字已有禮字在。與幾諫章不違中庸篇順親義同，而意實有別。懿子知其然，故不復問。

侍轉達既師弟矣何不足委曲之有

然在懿子則可。若他人亦以從親之命為孝，即不能無弊。故復告樊

遲蓋問答後，遲適為御也。

如曰告時樊遲在側則不當復述較晦之道多術取足達意而已富有未達雖因人以明之可也

生事葬祭以禮，孝之事備矣。

古者祭稱孝子孫明正嫡一祧相承非衆子庶孫所可干者懿子魯之魯卿孝莫大於傳重故特揭禮字為生事葬祭之本於禮無違而後推之上可以治祖廟推之下可以治子孫推之旁可以治昆弟台誼以食序以

昭穆別以禮義夫而後可以傳重

孟武伯問孝子曰：父母惟其疾之憂。

馬曰：武伯懿子之子仲孫懿也。武諡

也。言孝子不妄為，非唯有疾病然後使父母之憂耳。

朱註至之憂

父母愛子之心，無所不至。惟恐其有疾病，常以為憂也。人子體此而以父

母之心爲心則凡所以守身者自不容於不謹

愚按馬註唯疾病使父母憂近人或云父母自憂其疾訓皆異然朱註義長武伯生於世祿之家凡驕奢淫佚聲色狗馬皆切身之疾不必風寒暑溼而後謂之疾也昔樂正子春云一舉足而不敢忘父母一出言而不敢忘父母是故道而不徑舟而不游不敢以父母之遺體行殆惡言不出於口忿言不反於身不辱其身不虧其親可謂全矣卽此意也

子游問孝孔曰子游弟子也姓言名偃

吳人少孔子四十五歲或曰少孔子三十五歲

子曰今之孝者是謂

能養至於犬馬皆能有養不敬何以別乎包曰犬以守禦馬以代勞能養人者也一曰人之所養乃能至于犬馬不敬則無以別孟子曰養而不愛豕交之也愛而不敬獸畜之也

朱註

子游至

犬馬待人而食亦若養然言人畜犬馬皆能有以養之若能養其親而敬

不至則與養犬馬者何異胡氏曰世俗事親能養足矣獨愚特愛而不知漸流於不敬非小失也子游未必至此人直恐其愛過於敬故警之

愚按犬馬有養包前說義長聖人教人有專對其人言者所謂發其病而藥之也有不專對其人言者所謂扶世誦教也此章提明今之孝者正與今之從政者今之成人者一例蓋當時以能養爲孝如穎考叔舍肉遺母靈輒宦三年得箚食與肉以遺母皆所稱爲今之孝者也子游學道而以弦歌易俗豈於親乃有失敬之理其間之意正以時人於孝養二字混而爲一故質其疑耳夫子明養與敬之別判然不同而犬馬上加至於以爲詞則自今之孝者以至愚夫愚婦而極於大之爲人守夜馬之爲人代步何一而不有養者孝說文訓供養從食羊聲按天生物皆能以力自養人少不能自養父母乳哺之人子除養父母外又終三年之喪以報之此天下之通義也犬馬不能自養人飼畜之犬馬以守夜代步養人故曰皆能也清按若作養犬馬解不惟礙於不倫且其文當作皆有以養之者言能養二字緊頂上文能養來皆有二字針對是謂來若曰第以養言則不獨今之孝者能之即犬馬皆能有之口吻較合且六畜惟犬馬獨能竭力爲主故以此能養親者此漢唐說經諸家所以多從包氏前說也言此者正見人養親與犬馬之養人同人能於養中致敬乃謂之孝不然風俗惡薄日趨

於下彼犬馬無知以守夜代步爲職分之當然而爲人子者觴酒豆肉形爲德色並犬馬之不若矣

子夏問孝子曰色難

包曰色難謂承望父母顏色乃爲難也鄭曰言和顏悅色

是爲難也有事弟子服其勞有酒食先生饌馬曰先生謂父兄饌飲食也鄭

曰食餘曰餽

按陸德明釋文鄭本作餽音健謂餽父兄之餘今不從

曾是以爲孝乎馬曰孔子諭子夏曰服勞先食女

謂此爲孝乎未足爲孝也承順父母顏色乃是爲孝耳曾則也

朱註

子夏問孝乎

孝子有深愛者必有和氣有和氣者必有愉色有愉色者必有婉容故事

親之際惟色爲難耳服勞奉養未足爲孝也

愚按說文饌乃饗之或體養訓具食從食羹聲具食於父兄也色難包氏與朱註

異然下服勞奉養皆就人子言之則色當爲人子之色朱註義長子夏作僕禮喪

服傳其體理極縝密然喪親乃至無聞蓋其人事能盡而天真不足無以誠於中

卽無以著於外故其平日見於面者少和愉之容而夫子因其所失而告之也觀

曾子數其三罪亦可見其大略矣

懷弓子夏喪子而喪其明曾子弔之曰吾聞之也朋友喪明則哭之曾子哭子夏亦哭曰天乎子之無罪也曾子曰商爾何無罪也吾與女

事夫子於陳泗水之間退而老於西河之上使西河之民疑女於夫子爾罪一也喪爾親喪民未有聞焉爾罪二也喪爾子喪爾明爾罪三也而曰爾何無罪歟子夏投其杖而拜曰吾過矣吾過矣吾離群索居亦已久矣况喪子

而喪明又有味於全受全歸之義耶

子曰吾與回言終日不違如愚孔曰回弟子也姓顏名回字子淵魯人

少孔子三十歲

不違者無所怪問於孔子之言默而識之如愚者也退而省其私亦足以發回

也不愚孔曰察其退還與二三子說釋道義發明大體知其不愚也

朱註

子曰至不愚

不違者意不相背有聽受而無問難也私謂燕居獨處發謂發明所言之

理

愚按顏子資質在聖門諸子之上如愚二字正所以形容其不愚不違何足貴足以發斯爲貴耳發如萬物發生之發顏子聞夫子之言隨時隨地觸處皆能通貫

譬猶天地回春而句者舉出萌者盡達也

子曰視其所以何日以用也言觀其所行用也觀其所由何日由經也言觀其所經從也察其所安人焉廋哉人焉廋哉孔曰廋匿也言觀人之終始安有所匿其情也

泉隱江曰言人誠難知以三者取之近可識也

朱註

所以以用也

所以由從也

所以安所樂也

人焉廋何也

重言以申明之

愚按

以為也

所為有善惡之分也

春秋傳曰能左右之曰以蓋以之蓋文左則右注故曰能左右此言象

耳目則不齊

由者心之萌動也

說文有身無由而身字從弓由聲則此文本有由字可知由者果拆如初

生之象以準甲言之則為甲以明動言之則為由物漸事長不息之意也

安者

息也

由安相對而言說文有空無廋廋當作搜

度之為搜本義只作搜求此作匿解正如氣

人

不易知

以其善廋也

若始視其所為而有以定其善惡

然不無

繼觀其萌動之初善

惡不及掩著之地

然或一時之善不能長久

而又終察之於尋常日用居處飲食之細則亦何所

廋哉重言之者猶曰可廋於此而又焉廋於彼云爾大戴禮文王官人篇曰考其

善惡

之微

而後

用之

此

言

人

之

善

惡

之

微

而

後

用

所爲觀其所由察其所安則此章三句乃夫子引官人篇之辭下二句乃夫子之言蓋爲有位者用人行政而言也

子曰溫故而知新可以爲師矣何曰溫尋也按溫訓煖溫者溫本熱之水引中之凡物將寒而重熱之曰溫尋釋故者

又知新者可以爲師也

朱註子曰至爲師矣故者舊所聞新者今所得所學在我而其應不窮故可以爲人師

愚按師卽謂此溫故知新之學非爲人之師也設本據凡人於故者時時尋繹之則

於故者之中每得新意天下之義理無窮人心之潛發亦無窮所謂歸而求之有

餘師者是已洪按溫故知新本爲己之學非以爲人且其所造正未可量不淺可以爲人師孟子言人之患在好爲人師夫子豈舊焉爲是計細味此章語意正與子張論夫子焉不厚而亦何常師之有互相發明蓋

師也者我所謂業謂益者也溫故而知新則所業日益不特外求師而此可以爲我師矣

子曰君子不器包曰器者各周其用至於君子無所不施也

朱註子曰聖不器成德之士體無不具故用無不周非特一材一藝而已

論語稽

為政稽第二

八

附公論新報館內

愚按人之材質大為梁棟細為榱題貴為簠簋賤為瓦礫皆各有所用或可小知或可大受各成一器惟君子無可無不可大小方圓不拘一格也

又按周官三百六十皆各有所治惟家宰無所

不統其降惟三公乃得坐而論道則不器豈易言哉

子貢問君子子曰先行其言而後從之孔曰疾小人多言而行之不周也

朱註子貢至從之

周氏曰先行其言者行之於未言之前而後從之者言之於既行之後

愚按此即中庸言顧行行顧言有餘不敢盡不足不敢不勉之君子也

子路未之能行惟恐有聞即是

此意又接古今立言之人大抵於躬行心得後始得見得透然後以數言略述生平或又弟子會萃所聞以備遺忘以貽後世者言不顧行則非所以為君子矣

子貢能言夫子恐其言過

於行故以此告之

子曰君子周而不比小人比而不周孔曰忠信為周阿黨為比

清按何晏集解本引此為孔安國注

據左氏文十八年傳正義為鄭注今從集解本

朱註子貢至不周

周普徧也比偏黨也皆與人親厚之意但周公而比私爾

愚按周之爲字以四圍環轉爲訓比之爲字則从之反耳

清按陸佃曰二人向
陽爲从向陰爲比

此論君

子小人兼學術治術言之學術之隆汙治術因之而升降

其始由一二學士大夫相繼相榜
其終遂至朝野紛紛黨同伐異此

一是非彼一是非浸至漸
倒混亂而莫可究詰矣

夫子指出公私分界爲千古立之防制不啻於十世百世前已

知有漢宋朋黨之禍也

子曰學而不思則罔包曰學而不尋思其義理則罔然無所得思而不學則
殆何曰不學而思終卒不得使人精神疲殆也

朱註子曰至
則殆

不求諸心故昏而無得不習其事故危而不安

愚按思學不可偏廢一偏廢則罔殆之弊乘之如今日漢學宋學之分門訓詁考

據詞章之各據一偏以成一家言者大抵皆爲學之始有所偏也

子曰政乎異端斯害也已何曰政治也善道有統故殊途而同歸異端不同歸

者也皇疏此章無人操學
諸子百家之害也

朱註子曰至也范氏曰攻專治也故治木石金玉之工曰攻異端非聖人之道而別爲一

端如楊墨是也程子曰魯氏之言此之楊墨尤爲近邇所以其害尤甚

愚按當日所謂異端惟是處士橫議百家之說並進耳不惟無所謂釋家並道家

亦非今日之道家也按儒者天然之書歷六朝唐人編譯而成仍是中華之言只大旨是竺國之意耳至如道

成五利皆此說也後漢張道陵始創五斗米之教竊據漢中其流派乃分在江右之信州至唐元宗以老聃爲始祖乃有夢異容之求唐末高誦好怪妄說先廷呂用之等肆爲焚惑其道乃大盛若六朝法顯支遁者流則以僧而竊道人之名元龜羅華者流又竊儒書以釋佛經擬於合道與儒粹而一之至宋徽宗竊林靈素於是別道另爲科儀之書而三教之名乃分著於世然文人學士往往不察道而竊釋者以靈素靈學術本淺其書又不若釋氏之有文人詞色故也古先

聖王之道一而已矣端者如木之一端叩本則末應叩末則本應若異端則別有

一端雖在天地陰陽氣化之中然專攻於此則竭其人之聰明才力可以無所不

至如洪水猛獸盜賊其爲害甚矣稍按近今說經家咸說攻爲攻擊已爲止謂攻去異端斯害也止並引孔子責原壤誅少正卯爲證於義亦通然不如朱註較得聖人氣象且

責原壤誅少正是不得不然之事他如以德報怨是直躬殺父之類帶人皆矯言以正之非以攻擊爲事也

子曰由誨女知之乎孔曰由弟子也姓仲名由字子路下人少孔知之爲知之

不知爲不知是知也

朱註子曰至是知也

子路好勇蓋有強其所不知以爲知者故夫子告之曰我教女以知之道

乎但所知者則以爲知所不知者則以爲不知如此則雖不能盡知而無自欺之弊亦不害其爲知矣況由此求之又有可知之理乎

愚按此章之意朱註謂誨以知之道據韓詩所引又似爲言而發韓詩外傳三孔子曰由志之君子知之爲知之

不知爲不知言之要也能之爲能之不能爲不能爲之要也然細味經文語氣實爲所誨而發若曰由我誨女者女知之

乎知之則以爲知之不知則以爲不知如此則所不知者不至混其所知乃爲真知知不知皆指所誨而言

子張學干祿

鄭曰子張弟子也姓顓孫名師字子張陳人少孔子四十八歲干求也祿祿位也

子曰多聞闕疑慎言其餘則寡尤包曰尤過也疑則缺之其餘不疑猶慎言之則少過多見闕殆慎行其餘則寡悔包曰殆危也所見危者闕而不行則

少悔也言寡尤行寡悔祿在其中矣鄭曰言行如此雖不得祿得祿之道也

朱註

子張學

祿仕者之奉也

子曰至其中矣

呂氏曰疑者所未信殆者所未安程子曰尤罪自外

至者也悔理自內出者也愚謂多聞見者學之博闕疑殆者擇之精慎言行者守之約凡言在其中者皆不求而自至之辭言此以教子張之失而進之也

愚按古人爲學凡古今常變之理禮樂射御書數之文以及一言一動一名物一事理凡有切於一身之用皆是也及周之衰急功近名之士如名家法家縱橫家兵家漸至各爲一學以求仕進子張才高意廣志在用世雖未別立門徑而其所學好高務遠矜奇立異有急欲自見之意故曰干祿干之爲言犯也其始不過思出其位而久之必至遂末忘本故夫子以言行之切近者告之然國家課士之法實亦不外士子課身之法能修其身不患不見用於世在其中者自然而然而不須干而自得也謀道章曰耕也餒在其中學也祿在其中君子憂道不憂貧亦此意

也

哀公問曰何爲則民服包曰哀公魯君之諡也孔子對曰舉直錯諸枉則民服包曰錯置也舉用正直之人廢置邪枉之人則民服其上矣鄭曰措投也

鄭按

本節舉枉錯諸直則民不服

朱註哀公至

哀公魯君名蔣謝氏曰好直惡枉天下之至情順則服逆則去必然之理

然或無道以臨之則以直爲枉以枉爲直者多矣是以君子大居敬而貴窮理

愚按稱孔子對曰者尊君也

清按論語記夫子與弟子言曾曰子與他人言則曰孔子對曰孔子對曰然於季康子亦有用孔子對曰者豈以孔子爲季氏吏耶其與康子言不用

對曰及於弟子間有用孔子曰者實文俱有詳畧無他義也

服者心悅誠服也君賴民奉之而後爲君民亦賴君之教養

而後遂其生是君民固相爲維繫者也然民非君所能獨治必設官分職以治之官之直枉民心自有公論特舉錯之權操之君耳君舉錯愜於民心譬如四肢有痛癢心先知之而手足從而抑搔之則天君泰然而百體從令矣清按孔子當君

權時代而直扶民心所以服不服之故以告哀公蓋已隱隱有注重民權之意矣
季康子問使民敬忠以勸如之何 孔曰魯卿季孫肥也康諡也 子曰臨
之以莊則敬包曰莊嚴也君臨民以嚴則民敬其上孝慈則忠 包曰君能上孝
於親下慈於民則民忠舉善而教不能則勸 包曰舉用善人而教不能者則民
勸

朱註

季康子至則勸

張敬夫曰能如是則其應蓋有不期然而然者矣

愚按季康子秉魯政時孔子自衛反魯乃冉有爲宰與齊戰勝之後其問敬忠勸
三者蓋欲用民以戰勝鄰國非有富教其民之心也故孔子就所問者答之而更
無餘辭欲民之敬莫如己先示民以莊莊嚴重也欲民效忠莫如己先示民孝慈
孝以事親惟之人則五十不從力政六十不與服戎七十不與賓客之事八十者其家不從政廢疾非人不養者一人不從政是也慈以教子惟之人則十四以下不從征役司徒以保息六養萬民一曰慈幼是也又如春養孤子秋養耆老鄉大夫辨民可任者國中自七尺以及六十野自六尺以及六十有五皆征則國中不及七尺與六十者野不及六尺與六十五者皆不征可知亦孝慈類也 欲民之勸莫如進賢教不肖

如三

年大比貢其賢者能者而升之司馬司馬論官材以聖王論定然後官任官然後爵位定然後祿其不舉教者移之郊移之遂有茲焉者三讓而闕三朝而士加明利恥諸葛石投諸司空皆舉教不能之事也 上自盡其

爲上之質而下自化之惟上所用無不如志矣

或謂孔子曰子奚不爲政鄭曰或之言有也人不顯其名而略稱爲或包曰或人以爲居位乃是爲政也 子曰書云孝乎惟孝友于兄弟施於有政是亦爲政奚其爲爲政包曰孝于惟孝按何妥解美大孝之辭也友于兄弟善于兄弟也施行也政所施行也所行有正道卽是與爲政同耳

朱註或謂至不爲政定公初年孔子不仕故或人疑其不爲政也子曰至書云孝乎者言書之言

孝如此也按宋注從今本尚書解之善兄弟曰友書言君陳能孝於親友于兄弟又能推廣此心以

爲一家之政孔子引之言如此則是亦爲政矣何必居位乃爲爲政乎蓋孔子之不仕有難以語或人者故託此以告之

愚按包咸時石經文平作于孝于惟孝句按毛奇齡謂此雖引君陳而自易辭句如書云高宗諒陰三年不貢堯曰克其中國舜困窮猶諸帝臣不藏簡在帝

心孟子引無賢有罪無罪惟悅在少則功收自牧宮祿處自毫書非取文古人引實例顯如此若其解則如禮云禮乎禮語乎禮韓文解乎其附之類言孝之至也

正與友于兄弟句相對

成文則較宋監本之說為優今乎字從今本而句從包氏孔子為國不外乎禮

生平只一禮字禮字之注即便是正名二字如君君臣臣父父子子各正其名惟之詞徒兩耳司空為此官即義此官之職人人各盡其職則萬事萬物皆得其理矣故曰名不正則言不順言不順則事不成康子問故子曰政者正也衛靈問故子曰俎豆則齊則事敬未之學蓋正名即是禮也子曰道之以德齊之以禮是也若孟子一生則是仁義二字如五穀之宅一章其所設論皆推本仁義為之仁之實受親是也義之實也兄弟也然則文斯二者即是禮是孟子雖言仁義而舉而指之仍是禮也然則孔子一禮也孟子亦一禮也管子之大學三綱八條曰禮也子思之中庸位天地育萬物亦禮也禮之精賢之精位行近一君子之行禮而已矣

而禮之為用正名為先當定公之初遂昭公之季係意如尚在欲討之則勢不能不討之則名不正故孔子

不仕及至如死禮子執事家臣出虎及公山弗擾等假借為稱且之名政廢致孔子孔子不仕至定九年而後為中渚宰為司空為司寇遂至攝行相事魯國雖與孔子不仕禮特定之初年則有所不能者耳或人不

察謂新君初立國事更新正可以有為之時故以不仕為疑夫子不便明言此意

惟言國之與家為政則一孝友于家即為政也按不正其家不能正國不正其身不能正家則是言家國之政相通而身之出處不可苟已在其中

奚必於國而後謂之為政哉此雖託辭而為政之本實不外此

子曰人而無信不知其可也孔曰吾人而無信其餘終無可也大車無輓

小車無軌其何以行之哉 包曰大車牛車輓者轅端橫木以縛扼者也小車
輓馬車也輓者轅端上曲拘衡者也鄭曰大車爲柏車小車爲羊車輓穿轅端著之軌
因轅端著之

朱註

子曰至行之說

輓轅端橫木縛扼以駕牛者軌轅端上曲鈎衡以駕馬者車無此二者不

可以行人而無信亦猶是也

金說引曹氏曰大車制於車人其方而不廣用兩輪自車尾直貫至轅前其端有衡衡下有兩路即輓也輓自自六尺之長而非即衡之謂則謂之轅端橫木

輓以駕牛者非也小車制於人其廣而不用一輪自軫前兩曲而後衡衡以縛輓輓即軌也軌自在七寸之間而非即衡之謂則謂之轅端上曲鈎衡以駕馬者亦非也又附考曰平地任轡曰大車如農有役車兵車有車小車車前直出之木謂之轅小車之轅亦名轅大車轅長二丈七尺小車轅長一丈四尺四寸大車兩轅一牛在轅內以牛領低故其勢直小車一轅兩服馬夾其外以馬領高故其勢曲

愚按輓軌大小車之說金澈最得之夫大車小車之分在牛馬之二轅一轅轅端
之衡亦同謂之衡者權衡之謂同一橫木而取其平雖平而又可以低昂俯仰與
牛馬相協故謂之衡但衡可合轅端而不合牛馬之頸故衡下別制爲輓軌二物
上以合於衡下以合於牛馬頸使剛柔應節而牛馬亦適與輓軌之短長疎密相

合而不離如人必有信乃能涉世而無阻也春秋之世專尚詐力自以爲可行故夫子喻之以此

子張問十世可知也孔曰文質禮變也子曰殷因於夏禮所損益可知也周因於殷禮所損益可知也馬曰所因謂三綱五常所損益謂文質三統其或繼周者雖百世可知也馬曰物類相招勢數相生其變有常故可豫知

朱註

子張至可知也

王者易姓受命爲一世子張問自此以後十世之事可前知乎子曰至百三

綱謂君爲臣綱父爲子綱夫爲妻綱五常謂仁義禮智信文質謂夏尙忠商尙質周尙文三統謂夏正建寅爲人統商正建丑爲地統周正建子爲天統三綱五常禮之大體三代相繼皆因之而不能變其所損益不過文章制度小過不及之間而其已然之迹今皆可見則自今已往或有繼周而王者雖百世之遠所因所革亦不過此

豈但十世而已乎聖人所以知來者蓋如此非若後世識緯術數之學也

愚按中國自開闢以來迄於漢宋制度文物屢變而綱常不變故朱子從馬氏以綱常訓所因今泰西諸國設官出治頗合周禮而倫常之實則異焉是綱常非百世不變者大傳曰聖人之治天下也立權度量考文章改正朔易服色殊徽號異器械別衣服此得與民變革者也

服色者服如服牛乘馬之屬謂戎事所乘夏乘騊駼乘輪周乘騊駼後世如史記句奴國平城其馬隨方色東青西白南赤北黑之類色者察牲所用之色夏元牡腹白牡周駟騊是也徽謂旌旗若周禮九旗號謂號名周禮大司馬仲夏教及舍辨號名之用者是也其不可得變革者則有矣親親也尊尊也

長長也男女有別此其不可得與民變革者也此損益可知之說也清按漢宋諸儒以綱常訓所因謂百世不能變今仁義禮智信固猶是也而共和政體已定則

君爲臣綱之說變矣男女平權則夫爲妻綱之說變矣西人至成年

各國之例不一有以十八九歲爲成

年者有二十一二者而以二十歲爲多卽有自由之權父母不得制之此風漸已東被則父爲子綱之說又將變矣然其實西人仍親其所親尊其所尊長其所長也其男女之間亦不能無

禮以別之也則治法可變而治理仍不可變詳見大傳所載斯損益可知之真義也
子曰非其鬼而祭之諂也 鄭曰人神曰鬼非其祖考而祭之是諂以求福也
見義不爲無勇也 孔曰義者所宜爲也而不能爲是無勇也

朱註

子曰至

諂求媚也

見義至

知而不爲是無勇也

愚按己之祖宗則其鬼也若魯祀雍巫鄭祀周公衛欲祀夏相則非其鬼矣非鬼而祭意在邀福卒之福不可邀徒形其諂耳未見義而不爲無足怪見而不爲一由於畏難一由於避禍畏難不過庸碌者流委靡不振避禍則賢者不免夫遇禍而在所當避避之可也如不當避而避之則畏葸退縮是無勇矣朱子蓋得遜而懷書不
明季周順昌之執手陳園以求與楊左諸君子同死則又過於求禍者也 豈知富貴在天死生有命邀福者未必得福避禍者未必免禍小人枉爲小人說

論語精

爲政稽第二終

後學襄陽王汝玉子所
校學天門程炳金星坡
男應勳紀三

校字